

پلونه قهرمانی

# عزیز کیمیا

محرری عثمان شائی

ادبیات عسکریه رساله سندن  
عیناً النمشدر

معارف انصارت جايله سنك رخصتيله  
(فریده) مطبعه سندن طبع اولنمشدر

۱۳۱۷

فیاتی ۶۰ پارهدر



غازی عثمان پاشا



## قارئین کرامہ

894

غازی عثمان پاشا مرحومك فضائل جنك اور انہ سنی تصویر ایچون شویله سکسان، طغیان صحیفه لك بر مجموعه دكل، جلادل طولوسی اثرلر یانلیسه یینه آزدرد. دون « عثمان پاشا وفات ایتدی ! » سوزیله باشلایهرق اوچ بیوك صحیفه سنی جنتمكلك حزیات شخصییه وعسکریه سنی تقدیره حصر ایدن غرته حصه سنه دوشن وظیفه یی نه کوزل ایفا ایلدی .. ( اقدام ) ك یازمیش اولدینی اوسطرلر یالکیز کندی یوره کندن دكل، بتون افراد عثمانیه نك حکم کاهندن قومیش برز آه آتشین ایدی !

عثمان پاشا وفات ایتدی ! الله ! الله ! نه حزین سوز ! نه ماتم انکیز خیر ! عجباً بونی کورد کدن صکره کوزندن یاش کلامش، یوره کی صیرلامامش بر عثمانلی تصور ایدرمیسکز ؟ خیر، خیر ! ( غازی عثمان پاشا ) نام مجلی یالکیز هیئت اسلامیه نك خاطره حزیات پرورانه سنه حك ایدلش دكل، بالعکس، او بیوکلی و بیوکاری تقدیس ایده جك دزجه ده بیوکلك کوسترن هر ماتك وجدان علویتنده منتوش و محکوک بر نام عظیمدر .

اساساً بر کویدن فرقی اولیان ( پلونه ) ده بر آووج عسکر ایله هشمنك یغین : یغین عسکرلیخی محو ایتمش، عنقا کبی آتشار ایچنده یوزمش، جلادت عثمانیه یی عرش

اعلايه قدر يوكسلاشمش اولان بر قوماندان نه بيوك  
بر قومانداندر !

حرب صنعتنه ، صنعت جليله ويا صنعت مقدسه  
ديورلر . . . نچون ؟ زيرا ، سلاخنى او موزينه ، آلمش  
پادشاه معظى ، وطن مقدسى يولنده اولك هوسيله  
بر آره يه كلش اولان يوز بيكلرجه انسانى مقاصد سياسيه  
و عسكريه نك حصوله ياردم ايله جك صورتده قوللانمى ،  
ماكنه كى ايشلتمك بر وظيفه مباحه در .

انسان پادشاهى اچون يشار ، پادشاهى اچون اولور .  
وطنى اچون يشار . . . وطنى اچون اولور . . . بوفكر  
مبجل اوزرينه قورلمش اولان بر صنعت ، شبهه سز صنعت  
جليله در ! بر پادشاه و بر وطن اولادى و قايه نام اچون  
بر بره جمع ايدرك ، آل قانلر اچناده يوزسلر بيله ينه  
يولارندن بر خطوه كرى دو نيمه جكلرينى او كره تن صنعت ،  
صنعت مقدسه در .

عثن پاشا هر درلو حرايى فطريه يى جامع اولمغاله  
برابر صنعت جليله نك ده بر قهرمانى ايدى . اويله بر  
قهرمان كه ، بيكارجه عسكرينى خاك هلاكه سمرمش  
اولدنى قرشوسنده كى دشمن بيله يوم اسارتده « بودرجه  
بيوك بر قوماندان اسير ايدياور ، اما قليجى اسير ايدان . »  
ديارك فضائل عسكريه و عثمانيه سنى بالتقدير سيف مجلاى  
سطوتى ، كمال تجليل و تعظيم ايله ، ينه كند يسنه اعاده  
ايله كه مجبور اولمشدر .

تکرار ایدرم ؛ جنتمکانک شو عالم فانی به تریک ایلمش  
اولدینی خاطرات برکزیده و مناقب عسکریه سنی کو چو جک  
بر رساله یه صیغدرمق «پرنج اوزرینه فاتحه یازمتی» کی  
مخالدر؛ بناء علیه شو اثر جک وظیفه سی ( پونه محاصره  
ومدافعه سی ) جنده بر فکر محمل ویره رک غازی سر حومک  
نه درجه متین و فعال بر قوماندان اولدینی تکرار ایلمکدر.

۲۵ مازت ۳۱۶ بیک

## مدخل

غازی عثمان پاشا (توقات) لیدر. (۱۲۴۸)

تاریخچه زیور آرای مہد شہود اولمشدر.

پدزی استانبولده مشغول بولندی ایچون افراد

عائله سیلہ برابره اوغلنی دہ مرکز خلافتہ کتور تمشدی.

عثمان پاشا ۱۲۵۸ دہ مکتب اعدادی یہ کیر مش.

اوزادہ اڈل تحصیلدن صکرہ مکتب حربیہ یہ

کچہ رک نہایت ۱۲۶۵ دہ ملازم ٹائیڈک رتبہ سیلہ

مکتب مذکوردن نشأت ایلمشدر. اوصرد ددایسہ

قریم وقایعی یوز کوستر مکہ باشلادیقندن مشازالیہ

ارکان حربیہ ہیئتہ التحاق ایتمش و حربک صوکنندہ

یوز باشلیکہ ترفیعاً زائل مکافات اولمشدر. متارکہ نک

انعقادندن صکرہ عثمان پاشا درسعاتہ جلب ایدیلہ زک

ارکان حربیہ دائرہ سنہ ویرلمش و بوزادہ کی حسن

خدمتہ مکافات برسنہ ظرفندہ رتبہ سی قول آخالغہ

ترفیع ایدلمشدر.

(۱۲۷۴) دہ آناطولیدہ خریطہ آلمغہ مأمور

اولان ہیئت میانہ داخل اولمش و ۱۲۷۶ دہ یکی  
شہر دہ اجتماع ایتمش بولنان قطعات عسکر یہ یہ  
مأمور بیورلمشدر. (۱۲۷۸) دہ دردنچی آلائیک  
ایکنجی طاہوری برسہ صکر دہ اوچنجی آلائیک  
ایکنجی طاہوری قوماندانلغہ تعین ایدلمش و (جبل  
لبنان) دہ اشقیا تعقینہ مأمور اولمشدر .  
بو آردلق کریددہ بعض وقوعات باش کوستر -  
دیکندن عثمان پاشا معیتندہ کی طاہور ایلہ اورایہ  
کیتمک ایچون امر آلمشدر . (آرقادی مناستری)  
وقہ سنندہ ابراز ایتدیکی یرارلق سردار اکرم  
عمر پاشانک تقدیر نی نجلب ایدرک میر آلاخانہ ترفیح  
ایلمشدر .  
(۱۲۸۳) دہ یمندہ ظہورہ کلن حادثہ اوزرینہ  
عثمان پاشا تحت سلاحہ آلنان آلایلردن بریسنہ  
قوماندان ایتمک اوزرہ اورایہ کوندردی .  
اورادہ کی خدماتی دخی مظہر تقدیر بیوریلدوق  
رتبہ سی فبرلوالغہ ترفیح اولمشدر. (۱۲۸۷)  
تاریخندہ در سعادتہ عودت ایدرک اوچنجی اردودہ

مناستره مأمور بیورلمش و (۱۲۸۸) ده یکی بازار  
 فرقه سی قوماندانلغنه تعیین ایدلمشدر. بوراده کی حسن  
 خدماتنه بناء رتبه سی فریقکه ترفیع اولدنی کی  
 کندیلی ده در سعادت مرکز قوماندانلغنه تعیین  
 ایدلمشدی. لکن استانبوله بر آزا قامدن صکره  
 مأموریتی اشقودره قوماندانلغنه تحویل اولمش  
 و ۱۲۸۹ سنه سی آغستوسنده عین مأموریتله  
 بوسنه یه کوندرلمشدر. آلتی آی قدر بو خدمتده  
 قالدقن صکره دردیجی اردو محاس عسکریسی  
 رئیسکنه تعیین اولمشدر. بر قاج آی ده بو وظیفه سی  
 حسن ایفادن صکره (نیش) ده تحشید ایدیان  
 برنجی فرقه قوماندانلغنه مأمور ایدیله رک اوراده  
 معیتده کی فرقه نک تشکیلاتی کول فعلیتله ا کماله  
 چالشمشدر. بوندن صکره آناطولی یه کوندریان  
 یاور پاشانک یرینه و دین قوماندانلغنه تعیین بیورلمشدر.  
 مشار الیهک صرب حدودنده یامش اولدیغی حرکات  
 هرجهتله تقدیره شایان کوریلارک رتبه سی مشیرلکه  
 ترفیع ایدلدی. صربستان ایله متارکه عقد اولدقدن



صكره عثمان پاشا تكرار (ويدين) ه دونه رك عسكر ك  
 نقصاننى . تعليم و تربيه سنى ا كماله صوك درجه غيرت  
 ايلمشدر . شو صره ده روسيه سفرى باش كوستر درك  
 دشمنك حر كات عسكر يه سى بالقانلر ه قدر ايلر و لمش  
 بولنيور دى . عثمان پاشا بالقانلر ه طوغرى صار ققده  
 اولان دشمن اردوسنك او كنه برسد حائل چكمنك  
 فكريله (ودين) ى ترك ايدر ك سريع بريور و يش  
 ايله (پلونه) يه يور يدى . (پلونه ده) كى مهارت  
 و فعاليت عسكر يه سنى كورمك ايچون (پلونه) نك  
 هر جهتن محاصره ايدلايكي ائنا ده كوستر مش  
 اولدينى يرارلقار ينى كورمك بيله كافيدر . .

---

## پلونه محاصره و مدافعه سی

پلونه یه قارشو اوپنجنجی بر هجوم دها یاپادی .  
 لکن بوده اوته کیلری کبی نتیجه سز قالدی . اونک  
 اوزرینه مشهور (طوتله بن) ی دارالحر به کنورتمه یه  
 لزوم کورلدی . بوشانلی مهندس غوغایه ایلاک  
 باشلانیدنغی زمان قره دکز لیمانلرینه مأمورا اولمشدی .  
 آنک کبی ذاتاً غرورلی یارادلمش بر انسانه کوره  
 شو وظیفه ایجه شرفلی بر مأموریت یا خود اک ایوسنی ،  
 چوقدن بری کوزدن دوشمش اولدینغی ایچون  
 سرای ایمپراطوریدن چیقارلمسینه یاردم ایدن کوزل  
 برفرست ایدی .

(طوتله بن) ایلول آینک یاریسنه طوغری  
 دارالحر به کلدی . وکلور کلز ، پلونه یه قرشو آنان  
 موضعلری برر ، برر کوزدن کچوردی . صکره  
 ایجاب ایدن آبلوقه پلاتنی یاپدی ؛ قوماندانلرک  
 هپسنه جدی امرلر ویردی . طویجی آتشلرینی  
 جدآ کوزل بروجه ایله تنظیم ایلدی . مشارالیهک  
 دکری قوتلی استحقاملردن بر محاصره خطی

وجوده کتورمک و کیتدکجه عثمان پاشا اردوسنه  
یاقلاشمق ایدی .

لوفچه دن پلونه یه کیدن یول اوزرنده بعض  
حرکات جسمه کورنمکه یوز طوتدی . یرلرینی  
دکیشدیرن عسکرلرک شو وجه ایله حرکتی خصمک  
آرتق ( وید ) صوینک صول کنارنده یرلشمک  
ایستدیکنه بر نشان ایدی . کرچک ، ایلولک اون  
بشندن اعتباراً دشمن عسکرلری یواش یواش  
پلونه ایله صوفیه آره سنده کی تاغراف تلرینی کسمکه  
باشلادیلر . بونکله برابر اوچنچی محاربه دن  
اوتری موسقوف اردوسنده کوریلان بوش یرلر  
واکسیکلر هنوز طولدیرلماشدی . خاصه قولی  
وغره نادیه آلای کیتدکجه پلونه بی صیقیشدیرمق  
اوزره اولان تیمور خاقه سنی بسبتون قیاقمق ، او  
جسیم آت نعلنی اوج اوجه کتورمک ایچون ایش  
باشنه هنوز یتشه مه مشن ایدی . یالکز جنوب غربی  
کناری یعنی ( دؤنیاق ) کویلرینک ایلروسی ایودن  
ایویه قیاقمشدی .

(۵) ایلولدن تشرین اولک (۱۴) نجی کونته  
 قدر سورن ایلیک آبلوته یالکز (۱۸) ده  
 (غیریویچه) نک شمالنده کی باش طابیه اوزرینه  
 رومانیا لیلرک نتیجه سز بر هجومی ایله لوزچه بی قور-  
 نازمق ایچون ایچه کیج قالمش اولان قوای معاونه نک  
 آیک (۱۴) نجی کونی حفظی پاشا قومانداسنده  
 پلونه یه وصولدن بشقه هیچ بر حادته باش  
 کوسترمدی .

اوچنجی پلونه محاربه سندن اول عثمان پاشا  
 حضر تلی ، خصمک یایمق ایستدیکی هجومی  
 در سعاده بیلدیر مش و براز امداد کوندر لمسنی رجا  
 ایلمش ایدی . اکر بو امداد لر ( اورخانیه ) ده  
 بولنش اولسه لردی ، اوچ کون ایچنده پلونه یه  
 کیره بیله جکلردی . یوق ، اکر صوفیه دن کوندر لمش  
 اولسه لردی ، میدان محاربه نک ایرتسی کونی پلونه یه  
 کیر مش بولنه جکلردی که ، عثمان پاشا حضر تلی  
 کندی غلبه سنی اکمال ایتک ایچون اولردن ایچه  
 استفاده ایده جکدی . لکن بربری آردنجه کلان

قطعات عسکریه نك وجوده کتوردیکی شوقوای  
 معاونه اوزرنده بللی باشلی [بر آمر یوق ایدی .  
 اوندن بشقه ، اونلره ویریله جك استقامتی آکلامق  
 عثمان پاشانك فکرنی صورمق وامرلرنی آلمق  
 ممکن دکلدی . چونکه دشمن آرددکی وسائط  
 مخبره بی کسمش ایدی .

الکصره اوزمان صوفیه قوماندانی اولان  
 محمدپاشایه مراتبع ایدلدی . مشارالیه ، یاره سی  
 کاملاً ایولشمش اولدیغیچون حفظی پاشانك  
 بوکون یارین اردوگاهه دونمك اوزره بولندیغی  
 وشوقطعات عسکریه باشنه کچمکه لایق اک ایو  
 برقوماندان اولدیغی سویلدی . محمدپاشانك فکری  
 تلغراف ایله استانبوله بیلدیرلدی . استانبول مشار  
 الیهک فکرنی مناسب کوردی . حفظی پاشا قوماندان  
 اولدی . والده کی (۹) بیک کشینك قومانداسندن  
 بشقه ، ارزاق ومهمات سفریه بی حامل اولمق اوزرم  
 ترتیب ایدیلان بر قافله ده اونك ایله برابر پلونهیه  
 کوندرلدی . بش طابوردن مرکب دیگر بر قوم

عسکریه ایسه شوکت پاشانک اداره سنه ویریلهرک  
ایلولک اون سکزنجی کونی اوزخانیته دن حرکت  
ایلدی . اوصرده ایجه یاغمور دوشدیکچون بو  
قول انای راهده اپی مشکلاته اوغرادى . برده  
روسلر ( تهلش ) جوارنده کی یولی طوش  
و کوپرلر بوزمش اولدقلری ایچون قول باشی آنجق  
آیک یکر می برنجی کونی ( تهلش ) کیره بیامش  
ایدی . مصر تر لاری ایچنه کیزلنمش اولان موسقوف  
سواریلاری آپ آنسزین شوکت پاشا اوزرینه  
هجوم ایتدیلر . بوندن اوتری مشارالیه مدافعه یه  
کچمکه و کیجه قافلایى پارق نظامنه قویمق ایچون  
لازم کلان ترتیباتی یاغنه مجبور اولدی . ایرتسی  
کون حرکت ایدیله جکی زمان ایکی دشمن  
سوارى آلایندن تشکل ایدن برپیشدار مفرزه سی  
پلونه استقامتده کورندی . شوکت پاشا اونلره  
طوب آتشییه جواب ویردی . . و بوندن  
اوتری مذکور آلایلر یواش یواش کیره  
چکلدیلر .

شفقدن بری، قول باشی بیوک براحتیاط ایله  
 (غورنی دؤبندیاق) اوزرینه یور یوردی . نهایت  
 ساعت اوچ صولرنده ازرایه واصل اولدی . قافله  
 پک آز بر مسافه دن تول نهایتنی تعقیب اید یوردی .  
 (غورنی دؤبندیاق) جوارینه کلندیکی کچی همان بعض  
 محاربه ترتیباتی آنندی . لکن شوکیجه ترتیباتی  
 آنور آلمز ، جنرال (قریلوف) اداره سنده اولان  
 روسلر آتش ایتمه باشلادینر . ترکار پک عظیم  
 بر سرعت و اصابت ایله قریلوف عسکر لرینه جواب  
 ویزیور لردی . حتی روس بطریه لری شو کوزل  
 جوابدن طولایی یواش یواش آتش کسمه یه  
 باشلادیلر .

بوصرده دشمن سواری آلایلری بر ترک  
 طابوری اوزرینه آتلمه یه اوزم نیور لردی . لکن  
 ایکی طاغ طوپيله برابر اولنره قرشو کوندریلان  
 ایکنجی بر طابور آنلری اوزندکلری شیدن واز  
 کچورتمش اولدی . آقشام باصنجه یه قدر سورن  
 بر محاربه دن صکره روس عسکر لری کپیرو

چکلمکه باشلادیلر . حال بوکه، عثمان پاشا حضرتلری  
 قافله نك اورایه کلدیکنی اوکر نمش اولدیغیچون  
 ( ۲۵۰۰ ) کیشیلک بر قوت ایله عاطف پاشایی  
 ( دولتی دونیاق ) کوینه کوندردی . بومفرزه ،  
 پلونه یولنی آچق ایچون اوراده کی روس عسکر یله  
 غاوغا اتمه یه مأموردی . ایشته روس عسکر لرینک  
 ( غورنی دونیاق ) دن آپ آنسزین چکلمش  
 اولملرینی ایجاب ایدن سبب شوندن عبارتدی .

ایرتسی کون یعنی آیک ( ۲۳ ) نجی کونی شفقله  
 برابر ، مهمات قافله سنک بر قسمی پلونه یه کیردی .  
 اوته کی قسمی ایسه هنوز ( دولتی دونیاق ) جوا-  
 زنده بولنیوردی . ائصکره ادهم پاشانک یاردمیله  
 اوده ( وید ) صوبی کوپریسندن کچهرک پلونه یه  
 واصل اولدی . ( ۳۲ ) روس ، ( ۱۶ ) رومانیا سواری  
 یلوکنه و ( ۵ ) سواری بطریه سنه قوماندا ایدن  
 جنرال قریلوف ( نتره پول ) ایله ( ترستینک ) اوزرینه  
 چکلدی .

( ۵۰۰ ) عربهلق ارزاق ومهمات سفریه دن



مركب ايجنه بيوك برقافله نك پلونه يه كيريشي ،  
محصوريني بك زياده سويندردي ، و آنلرده بيوك  
براميت حصوله كتوردى .

بونكاه برابر ، حيوانلرك ييه جك يم و صمانى  
يوق ايدي . عثمان پاشا حضرتلرى ، دشمنك  
طوتدينى كويلرده برخيلي يم وييه جك اولديغى  
او كرنديكي چون اك صكره ، نه اولورسه اولسون ،  
او كويلرى ضبط ائتمه يه قرار و يردى . بونك اوزرينه  
سيار بفرقه تشكيل ايتدى . آنى ( ۳۰۰ )  
نقله عربه سندن وايكى طابور محافظه عسكردن  
تركب ايدن برقافله ايله برابر حفظى پاشانك  
قومانداسنه و يردى . ايلوك ( ۲۸ ) نجى كوني  
او وده ايجنه سوره كللى كيدن بر محاربه ائناسنده  
قافله يي تشكيل ايدن عربلر ، دشمن مر ميلرينه  
اصلا قولاق و يرمكسزين ، كويلرده راست  
كلدكلى آره ، يولاف ، صمان كى شيللى يوكلنه رك  
پلونه يه كتورديلر . ايرتسى كون ينه بووجه ايله  
حركت اولندي . لکن دشمن سواری مفرزه لری

یتیشهرک ، عربہلر یوکلنورکن : قافلہ نك خطر جمعیتی  
 کسمہ یہ موفق اولدیلر . اونک ایچون عربہلر  
 ( نریتنا ) بایرلرنده کیجه یی کچوردی . اوتہ کی قسمی  
 ایسه ، کوپری جوارنده قالمہ یہ مجبوریت کوردی .  
 حفظی پاشادن ، عثمان پاشا حضر تارینه کلان  
 برراپورده روس عسکرینک چوقاغندن اوتری  
 یم وارزاق طوپلامه نك آرتق بیوک برتہاکیه  
 دوشدیکی بیلدیریلوردی . عثمان پاشا ایسه حفظی  
 پاشایه ویردیکی جوابده سیار فرقه نك وضعیت  
 وقوتی ، کندیسنه فائق دشمن عسکرلری اوکنده  
 بیلیم وارزاق طوپلامه یه کفایت ایلدیکنی و بوندن  
 صکره دیگر کویلردن ارزاق طوپلامق لازم کاندیکنی  
 بیان ایلدی .

ایرتسی کون حفظی پاشا روس بطریه لرینک  
 آتشنه اهمیت ویرمکسزین ( آشاغی نتره پول )  
 جهتلرنده کی کوپلری آراشدیرمغه باشلادی . عثمان  
 پاشا روس قوای امدادیه سنک اوجهته سوق  
 ایلدیکنی کورنجه همان حفظی پاشایه الی آلتده کی

قوهٔ عسکریه بی منتظم برحاله قوی می ودها شدتلی  
 حرکت ایتسی چون امر کوندردی. شوامر کاندیکی  
 زمان حفظی پاشا ایودن ایویه بر محاربه یه کیریشمش  
 بولنیوردی. مع هذا قطعات عسکریه کندی  
 عرب لرنی یوکلمک واونلری پلونه یه کورتور مکدن  
 برثانیه بیه کیر و قالمدی لر ؛ حفظی پاشا قافله نک  
 پلونه یه کیر مشن اوله جغنه قطعیا امنیت حاصل ایتدیکی  
 زمان دشمن اوزرینه بر مقابل هجوم پامق ایستدی .  
 لکن دشمن بو هجومی بکلمیه رک بر آن اول کیرویه  
 چکلدی .

عثمان پاشا ( دوبنیاق ) جهتلرنده ده پک چوق  
 یم وارزاق اولدیغنی اوکره نهرک سیار فرقه بی (۱۷)  
 پیاده طابوری ایکی سواری آلابی ، (۱۰) صحرا  
 طوپندن عبارت بر قوته چیقاردی. فرقه مذکور  
 اوندن صکره ( دوبنیاق ) جهتلرنده کی ارزاق  
 الله ایدرک براوچنجی دفعه ده شوکت پاشانک  
 یورویش قولنی حمایه ایلدی .

اصل ( اورخانیه ) قوماندانی اولان بوشوکت

پاشا پلونه یه مهمات کوندرمک و پلونه جاده سنی  
 محافظه ایتک وظیفه سیله مکلفدی. جانب سنی الجوانب  
 حضرت پادشاهیدن عثمان پاشایه (غازیلک) عنوانی  
 ویرلدیکنی تبشیر ایتک سعادتیه مشرف اولان ذات  
 ینه بوشوکت پاشادر.

(۵۰۰) ارزاق و مهمات عربه سندن ترکیب ایدن  
 بر قافله و (۱۵) پیاده طابوری ، (۲) سواری  
 آلابی و (۱۲) طوپاق بر محافظ مفرزه سی باشنده  
 بولنه رق شوکت پاشا تشرین اولک آلتیجی کونی  
 اورخانیه دن حرکت ایلدی . هیچ برسکتیه  
 اوغرا مقسزین (ته لیش) ه قدر کلدی . لکن بوراده  
 کیجه ترتیباتی المقله مشغول ایکن جوارده بعض  
 دشمن سواریلری کورینمکه باشلادی . کرچه  
 بوسواریلر چرکسلر طرفدن طرد ایلدی ؛  
 لکن پک شدتله حکم سورن قار فورتنه سی  
 یوللری بوزدقدن بشقه صولری ده طاشیرمش  
 اولدیغیچون شوکت پاشا عسکرینک بیوک برقسمنی  
 یول ایشلرینه مأمور ایتمکه لزوم کوردی .

کنديسى ايسه برسواری آلايى وقافله ايله برابر  
 بورويشنه دوام ايدرك اك صكره تشرين اولك  
 سكرنجى كوني پلونه يه كيرمكه موفق اولدى .

مشاراليه پلونه يه كيرديكى آنده جانب اقدس  
 حضرت شهر ياريدن عثمان پاشايه احسان بيوريلان  
 (غازيلك) عنوانى تبشير ايلدى . او امر يوميه  
 دفترى عسكر قرشوسنده وطوپچينك يايلم آتشارى  
 آزه سنده قرائت ايلدى . بوصره ده بتون  
 عسكر لرك آغز بن كوك يوزينه طوغرى يوكسلان  
 (پادشاهم چوق يشا ! ) سسارى اوچ دفعه تكرر  
 ايتدى . كوك يوزى اوچ دفعه نك هر برينده ينه  
 شو مبارك (پادشاهم چوق يشا ! ) عكس صدا سيلاه  
 يريوزينه جواب ويردى ..

سو كيلي پادشاهمز كى ازمئه سابقه وجاريه نك  
 هيچ برنده هيچ بر مثالى كورمك ممكن اوليان  
 مظفر بر پادشاه طرفدن احسان بيوريلان  
 (غازيلك) عنوانى بر عسكر ايچون بولنمز بر شرف  
 توكنمز بر سعادر .

غازيلك ! سوکيلي پادشاهی ، سوکيلي وطنی  
 يولنه بتون جهانی دکيشهرك جان بهاسنه چالیشان  
 عسکرلرک اک بيوک عنوانيدر . ايشته غازی  
 عثمان پاشا حضر تلی ده پادشاهنه ، اردوسنه ، وطنه  
 قرشو جاتی و حياتی ترک ايدرک کنديسنگ بر  
 قاچ مثلی قوتده خصم اردولرینی نيجه زمانلری قانلی  
 وکسکين قلیجی ایله تپهلمش اولديغيچون کنديسینه  
 بوکوزل عنوان ویرلمش وهر یرده (پلونه قهرمانی)  
 دنيلمشدر ! سوکيلي وجسور قوماندانلرینه  
 (غازيلک) عنوان جلیلی ویرلديکینی ايشتدکلی  
 کبی پلونه عسکرلری سويجبلرندن نه يابه جقبارتی  
 شاشرمشار ایدی ! کرچک ، بو عسکرلردن هر  
 بریسی ، قهرمان عثمان پاشانک بربری آردی نيجه  
 يالکز یدی کون ایچنده کنديلرندن پک قوتلی  
 دشمن عسکرلرینه قارشو هیچ طور مقسزین غوغا  
 ایتدیکینی وشوقدرچک بر زمان طرفده ( ۲۰ )  
 ییکی متجاوز دشمن عسکرینک محاربه دن خارج

بر اقلدیغنی پک ایو بیلورلردی . آنک ایچون  
 قوماندانلرینک مکافات سنیه ایله تلطیف بیورلمش  
 اولسندن اوتری بودرجه سوینمکده یردن کوکه  
 قدر حقلری واردی .

## §

شوکت پاشا کیجه نك بر قسمی عثمان پاشا  
 حضر تلرینک یاننده کچوردی . و بو ائناده (اورخانیه)  
 ایله اولان طرق انصالیه نك محافظه سی اوزرینه  
 ایجه کوریشلدی . قیش کونلری یاقلاشمقده /  
 اولدینی ایچون (پلونه) نی ارزاق و مهمانسز بر اقامق  
 خصوصی غازی عثمان پاشانک اچوق دوشوندیکی  
 برشیدی . شوکت پاشا ایرتسی کونی شفقاہ برابر ،  
 اوزخانیه استقامتده حرکت ایلدی .

یولده (۵) بیک قیون ، (۵۰۰) اوکوز  
 و (۱۰۰) بار کیردن عبارت بردشمن قافله سنه راست  
 کلدی . و اوقاجق بر کورلتیدن صکره اونک هپسنی  
 یقالادی . قافله نك یالکز (۳) بیک قیونی (پلونه) یه

کوندرلدى . اوتە كىلرك ھېسى اورخانيه  
كوتورلدى .

عثمان پاشا ( پلونه ) نى ترك ايدرك ( لوقوويك )  
( اورخانيه ) جھتتدە چيقمغه نيت ايديوردى .  
مشاراليه بوفكرىنى استانبوله بيلديردى . استانبول  
پلونه نك پك زياده اهميت قازانديغى و آرتق نصل  
اولورسه اولسون ، آنك الدن چيقارلماسى لازم  
كلديكى جواب و يردى . شېھ سز ، عثمان پاشا بوجوابه  
كوره حركت ايلدى . لکن آندن اول پلونه  
اردوسنجه موجود اولان اكسيكلرك برر ، برر  
اكمانى و ( پلونه - اورخانيه ) جاده سنك ايودن ايويه  
تأمين ايدلمش اولسى لزومنى كوستردى .

( پلونه - اورخانيه ) جاده سنى هر زمان آچيق  
يولديره بيلمك ايچون ايكي حال تصور اولنوردى :  
ياعين زمانده هم اورخانيه ، هم ده پلونه دن يول  
بويجه برر قول كزديره رك بويجه ايله قافله نك  
حركاتنى تأمين ايلمك و يا خود يول اوزرنده بعض  
مهم نقطه لرى تحكيم ايدرك قافله نك كيديش وكايشنى  
حمايه ايتك ..



ایکنجی اصول دھا زیادہ مقبولہ کجی .  
 (اورخانیہ) و (پلونہ) آرسندہ کی (۲۸۰۵) کیلو متر داک  
 مسافہ (۶) متوسط استاسیونہ آیرلدی . بونلرک  
 اوچی پلونہ سیار قولنہ، دیگر اوچی اورخانیہ سیار  
 قولنہ ویرلدی .

(۲۴) تشرین اولدن صکرہ ( صوفیہ ) جادہ سی  
 استبتون سرباست قالدی . و بویول بونجہ برخیلی  
 تلغراف پوستہ لری تأسیس ایدلدی . بونکلہ برابر ،  
 دشمن هر کون یکی یکی امداد لر آلیوردی ؛  
 طوپچیلری ایسہ برکون ( پلونہ ) استتحکاملری  
 بومباردمان ایتمک ن کر ی قالیوردی . خصم قطعات  
 عسکر یه سی کیتدکجه قصہ به یه طوغری ایلر ولیور  
 و کوندن کونہ یاپیلان موازیلر واستتحکاملرک عددی  
 آرتیوردی . عثمان پانا بوقورقنج محاصرہ ایشلرندن  
 خبر آنجہ پلونہ اردوسنک خارجلہ اولان مواصلہ سی  
 اپی بزمان دوام ایدہ میہ جکنی آکلادی . لکن  
 اوچ آیدن بری خصم اردوسنی مغلوبیتدن مغلوبیتہ  
 دوشورہ رک بووجه ایلہ عثمانلی سنجاغنک حیثیت

و ناموسنی اعلا ایله کارینی کندی عسکرینه سویلر،  
 و اونلری افکار جلادت و امنیت ایله بستون اخیایه  
 چالیشوردی .

§

خاصه قول اردوسنک بر بیوک قسیمیله غره نادیه  
 آلا یلرینک طونه بی کچدکاری ایشیدیانجه پلونه مدافعه  
 ایشلری دها زیاده ایلر ولیه رک عثمان پاشا اردوسی  
 هر درلو مقابله یه حاضر ایدلدی . (۱۹) تشرین اولده  
 اوکلنه طوغری ، پلونه ایله ( غریوچجه ) آره سنده  
 یاپیلان براستحکام اوزرینه رومانیا لیلر شدتلی برطوپ  
 آتشی متعاقب شدتلی بر هجوم یاپدی لر . لکن قهرمان  
 و جسور تر کلرک یایلم آتشلری آنلرک بو هجومنی  
 برینجه ضایعات ایله بر لکده کری پوسکور تمکه موفق  
 اولدی . عثمان پاشا خصمک هجوم ورجعتدن صکره یینه  
 مذکور است حکامی بر ثانیه بیله نظر اهمیتدن آیرمدی .  
 فی الحقیقه کیجه قرا کانغی ، ( غریوچجه ) یایلر لرنده  
 یوز اوستی قالان رومانیا لی عسکر لر اوزرینه بر پرده  
 سیاه چکه رک یواش یواش حکمنی ککوستره که

باشلادیغی کبی ینه شدتلی برطوپ آتشدن صکره  
 رومانیا لیار برقاچ قولده تکرار هجوم ایتمکد قالشدی لر:  
 درت ساعت بلا فاصله امیدسز برغوغا ایچنه  
 یوارلانوب کیتدی لر . لکن ترک آرسلانلرینک  
 بودفعه کی مقابله سی ده او ، قودورمش انسانلرک  
 بونجه مساعیسی آلت : اوست ایتمکد کسایت ایلدی .  
 ایک ( ۲۲ ) سنده برقاچ کون امتداد ایلمک  
 اوزره بومباردمان بسبتون شدتی آرترمغه باشلادی .  
 ایرتسی کون ( غریو یچه ) ده کی دشمن بطریه لری  
 تکرار اش آچدی لر . ( ترینا ) بایر لری ، جبهه دن  
 هجومه اوغرایان سپر لری مدافعه یه کافی قوتلری  
 اولیان تر کلرک الندن آلدی .

عثمان پاشا تعرض حرکتدن واز کچدی .  
 بو خصوص مؤخر آ پلونه اردوسی چون ایچه فاندلی  
 اولدی . ینه بو کون پلونه ایله اورخانیه بیتندکی  
 تانراف خطاری کسلی . آکلاشیلیوردی که  
 روسلر ایچه زماندن بری اهمال ایتدک لری محاصره  
 خطارینی صیقشدرمغه باشلادی لر . مع هذا .

(۱۳) ایلولدن بری اونلر مدافعه خطلرینه ایجه یاقلاشمشیر و (غریویجه) استجکاملرینی بومباردمان ایندەرك کیجه لری بیله کندی محاصره ایشلرینی اپنی ایلری کوتورمشلردی .

صوگ چارپشمه لری متعاقب ، اکیز یاده محصورینک غریبده کی یکانه خط رجعتلرینی کسمک آرزوسنه دوشلدی . ( ترینیا ) بایر لری اوزرنده برلشدیرلمش اولان بیوجنک برمفرزه برقچ کون صرتی صره شدتلی برشر اپنل آتشنه دوام ایلدی . آیک (۲۸) نجی کونی ینه بر ایکی مصادمه وقوعه کلدی ؛ ایرتسی کون شفقله برابر دشمن محاصره ایشلریله اوغراشمغه ، عثمان پاشا ایسه اونلر اوزرینه آتشن ایتمکه باشلادی . نه فائده سی وارکه : بومحاصره خطلری ، دشمنک کیجه لی کوندوزلی چالیشوبده میدانه کتوردیکی بواستجکاملر در حال بیوک چاپلی طوپلر ایله ستر ایدیلەرک بو کون یازین بیتمک اوزره بوانیورلردی .

او آندن اعتباراً برویا ایکی سواری آبلای ایله

بر لکده برخیلی دشمن طاہور لری مدافعه سپر لری  
 کچمکہ پو عثمان پاشا حاضر تلی نی یقالامغه چالیشدی لر .  
 بالخاصه (دو بنیاق) جهتلرنده ترکار خصم هجوملرینه  
 معروض بولنیور لردی . تشرین اولک (۲۳) نجی  
 و (۲۴) نجی کونلری قانلی بر محاربه نك کور تیلری  
 ایشدی ایوردی . کر چه بوغوغانک اساسی بر امداد  
 قانلا سنک کلدیکنه عطف ایدلمش ایسنده پلونه ،  
 بالضروره اورایه یاردم ایتمکه موقوف اوله مدی .  
 کر چک ، ایکی کوندن بری دشمن پلونه مواضع  
 عسکر یه سنی پک شد تلی بو مبارده مان ایدیوردی .  
 آنک ایچون پلونه دن آریلا جق عسکر لرك کیدر کن  
 وکلور کن بیوک تهاکله ره معروض قلمی پک  
 طبعی ایدی .

ایک (۲۶) نجی کونی (دولنی دو بنیاق) دن  
 هر نصابسه پلونه په کیره بیان بر ترک نفری عثمان پاشا  
 حاضر تلی نه ایکی کوندن بری (غورنی دو بنیاق)  
 سمترلرنده بر سکونت حکم سوردیکنی وغالبا حفظی  
 پاشانک تسایم ایدلمش اولدیغنی سویل یوردی . بو صر دده

حقى پاشا ايله (تەلش) جەتلەندىن كذاك ھىچ  
 بر حوادث آلنە ميوردى .  
 عثمان پاشا ، او جەتدەكى مفرزەدى پلونەپە  
 كتورتىمكە قارار وىردى . و بونك اچون كىجەلەن  
 بر چركس ضابطىلە مذكور مفرزە قومانداننە امر  
 كوندردى . ايرتسى كون آقشام اوستى مفرزە  
 قوماندانى كندى يورويشنى بللى اتمەك اچون لازم كلن  
 ترتىبانى احرا ايتدى . دشمن ، مفرزەك رجعتنە  
 مانع اولمىدى . يالگىز پلونەپە كىرەجكى صەردە آنك  
 اوزرىنە برھجوم حرقتى ياپدى . عثمان پاشا بوھجومى  
 كورنچە درحال مفرزەپە ياردم ايتك اچون بر قوۋە  
 امدادىپە كوندردى . و بر ساعت قدر سوردن  
 غوغادان صكرە دشمن ىنە كرى چكلمكە مجبوريت  
 كوردى . ايش باشندەكى عسكرك آرنى خلافتنە  
 اولەرق شو محاربە پلونەپە او كندە وىر يلان محاربەلرك  
 اك قانلىلەندىن رىسنى تشكىل ايلدى . ( دولانى دونىاق )  
 رجعتى و محاصره ايشلەرىنك بىتمك اوزرە اولمىسى  
 پلونەپە اردوسنى بك تەلەكلى بروضعىتە دوشور يوردى .

آيك (۲۳) و (۲۴) نجی كونلری (غورنی دونیاق)  
 جهتلرندن كان طوپ سسلرینك معنی ناسی آنجق  
 (۳۱) تشرین اولده آكلاشندی. اوت! او جهتلرده  
 بیوك بر محاربه ویرلمشدی: عثمانلی قطععات عسکر به سی  
 اك صكره تسلیم سلاحه مجبوریت كورمش وحقی پاشا  
 ایسه (تهلیش) ده اسیر دوشمش ایدی. جنرال  
 (غورقو) بو حوادی (تهلیش) و (دونیاق) ده  
 اسیر دوشن بر ضابط ودرت نفرله عثمان پاشابه  
 بیلدیردی. گرچه بو حوادی پلونه اردو سنده بیوك  
 بر تاثیر كوستردی. لکن عثمان پاشا حضر تلی ،  
 بلنكه ، بر قوه امدادیه كلور امیدیه مدافعه ده ثبات  
 ایتمكه قرار ویردی. پلونه خط مدافعه سی اساساً  
 بتن قسمه آیرلمش، (۴ : ۵) فرسخاق بر امتدادی  
 حائر ایدی. بو خط اوززنده كوچك ، بیوك (۳۳)  
 استحکام واردی که ، اکثرینی تلغرافلر ایله بزبرینه  
 مربوط اولدقدن بشقه آری آری قوماندانلر  
 النده بولنیورلردی .  
 تشرین ثانینك (۴) نجی كونی دشمن بطر بهلری

( اوچیندول ) بایرلری اوزرینه آتیش آچدیلر .  
 وایرتسی کونلر مختلف استقامتلمده بو آتیشه دوام  
 ایلدیلر . آیک ( ۸ ) نجی کونی صباحلین محاصره  
 خطی بسبتون صیقشدر مق اوزره بعض استحقاکلرک  
 دها یاپلمش اولدیغی آکلاشدی .

عثمان پاشا تهلکه یه معروض اولان یرلری  
 یر ، یرر کزدی . ویکدن بعض استحقاکلر  
 وعلی الخصوص مرابی برده دوت یایمق ایچون برطابور  
 عسکر مامور ایلدی . دشمن ایسه هجوم داترهنسی  
 کیتدکجه صیقشدره رق پلونه اردوسنک اک زیاده  
 رجعت ایتسی مأمول اولان خط اوزرنده ایودن  
 ایویه یرلشمکه چالیشیوردی .

تشرین ثانی نک ( ۹ ) نجی کونی غایب کشیف  
 بر سیدس طبقه سی عثمان پاشا حضر تلرینه ، دشمنک  
 اوندن بالاستفاده یکی بر هجوم یایمق ایستدیکنی ظن  
 ایتدیردی . محاصرین کوندوزین آتیش ایتمکدن  
 واز کچدیلر . لکن ، کونش باته جنی صیده اولر ایلک  
 اوکجه قرارگاه عمومی یه شدتلی بر آتیش توجیه ایتدیلر .



صکره محاصره نك اك جدی هجوملارندن بریسی اولوق  
اوزره (ایسقوبلف) یکی بر هجوم حرکتی دها  
یابدی . حقیقت ! يك شدتلی بر صورتده جریان  
ایدن بو هجوم ومدافعه غوغاسی ، کیجه نك ساعت  
اوچنه ، دردینه قدر ، اوزادی . لیکن هاجمین اك  
صکره ، تپه طاقلاق ایتمه یعنی بر خیلی ضایعات  
ویره رك کرینی کری دونمه مجبور اولدیلر .  
آيك اونجی کونی روسلرک یکی بر هجومی دها  
کری یه پوسکورتلدی . وعثمان پاشا حضرتلری  
درحال خصم بطریه لری قارشوسونده ، بطریه لره  
مجهز اوله جق وجه ایله آلتی ضلعلی برده دوت  
(استحکام) یایلمسنی امر ایلدی . آيك (۱۱) نجی  
کیجه سی دشمن هیج بر نتیجه قازانمقسزین کندی  
هجوم استقامتارینی دکیشدیردی . لیکن ینه فائده سی  
یوق ! یکی استقامتده یابدینی هجوملر ، کیجه  
ساعت سکزلره قدر سورمش ایکن ینه اك صکره  
نتیجه سز قالمغه وطوچی آتشلرینک حمایه سی  
التنده کری چکلمکه لزوم کورلدی . ایرتسی کون

یالکز بر خیلی اوفاق تفک ایلری قره غول محاربه لریله  
وقت کچورلدی .

آیک ( ۱۲ ) نجی کوننی دشمن بتون طوبجی  
آشلارینی قرارگاه عمومی یه توجیه ایلدی . وکیجه  
اوجه طوغری نافله یره تکرار بره هجوم حرکتی دها  
یایمق ایستدی .

ایرتسی کون اوکله دن صکره ، برروس ضابطنک  
یاننده ( ۶ ) قزاق نفری و بره کالمه بایراغی اولدینی  
حالدده ، ( زیشتوی ) جاده سی بویجه ( پلونه یه ) طوغری  
کلدیکی کورلدی . عثمان پاشا اوننی قارشولامق ایچون  
برضا بط کوندردی : بو ( ۷ ) کشیک پوسته ، روس  
اردوسی باش قوماندانی ( غراندوق نیقولا ) دن  
عثمان پاشا حاضر تلرینه بوجه آتی بر مکتوب  
کتورمشدی :

« غورنی دوبنیاق وته لیش قطعات عسکریه سی  
اسیر دوشدیلر . روس اردوسی ( وراچه ) ،  
( اوزیقوو ) موضعلرینی کاملاً ضبط ایلدی . پلونه ،  
روس اردوسی و خاصه قولیله غره نادیه آلایلرندن

برخی قطعات عسکریه طرفین قوش اوچمیه جق  
وجه ایله محاصره ایدلشددر . طرق اتصالیه  
بستون کسلدی . سزك ایچون طیشاردن بر بغدادی  
دانه سی کتورتک بیله ممکنسزدر !

« غراندوق ، انسانیت نامنه اوله رق مدافعه دن  
واز کچلمسنی واسارت مقاوله سنک وضع شرائطی  
ایچون بر محل کوسترلمسنی عثمان پاشا حضر تلرندن  
رجا ایدیور . زیرا بووجه ایله یاپلمزسه ، دوکلیسی  
محقق اولان بو بجه قائلرک مسئولیت عظیمه سی هب  
مشیر پاشایه راجع اوله جقدر ! »

عثمان پاشا اکلادی ، که غراندوق نیقولاشو  
غریب مکتوب ایله کندیسنی قورقتمق ایستیور  
ایدی . لکن یغمایوق ! نیجه زمانلردن بری  
کندیسنک یرقاچ مثل قوته جواب ویرمکن عاجز  
قالیان اوپلونه قهرمانی ، (غراندوق) ک سوزلرینه  
هیچده اهمیت ویرمه یه رک یالکر بر وجه آتی بر  
قرشولق کوندمکله اکتفا ایلدی :

« اداره مده بولنان عیسا کر شاهانه جسارت ،

ثبات و شدت کو سترمکدن بر ثانیه بیله کری طوره-  
مدیلر . بوکونه قدر سزکله ایتدیگمز محاربه لرك  
هپسینده اونلر مظفر اولدیلر؛ برقاچ مشلی زیاده  
اولان عسکرکز اونلره جواب ویرمکدن عاجز  
قالدیلر . واک صکره سز، قیامت کبی عسکر لركکز  
وار ایکن ، ینه خاصه قول اردوس بیله غره نادیه  
آلایلرینی معاونتکزه جاغرمغه ، مجبور اولدیگمز .  
« غورنی دو بنیاق و ته لیش هزیمتلی ، اوراده کی  
قطعات عسکر یه نک اسیردوشملری ، خارجه اولان  
طرق اتصالیه نک بسبتون کسلمسی و تکمیل یوللرك  
ظوتلمش اولسی بی تسلیمه مجبور ایلیه جک بیوک  
شیدرن صابیه مزلر . سایه شاهانه ده عسکر مک  
هیچ برا کسیکی یوقدر . و بنم عسکر لرم ناموس  
عسکر یلرینی قورتارمق ایچون هنوز ایجاب ایدن  
شیلری بسبتون اکمال ایتدیلر . بوکونه قدر بز  
قانغزی وطن و دین اغورنده وسوکیلی پادشاهمز  
نامه آیتدیق ؛ بوندن صکرده سزکله غوغا  
ایده جگمز ا

« دو کلاه جک قانک مسئولیت عظیمه سنه کلنجه  
 او، اوته کی دنیاده اولدینی کی بو دنیاده ده یالکیز  
 ایلک اوکجه حرب ایتمک ایستتمش اولانلار. عائد  
 اوله جقدر. »

مشیر پاشا حضرتلرینک حسیات نجییه سنه بر  
 ترجمان بیان اولنان شو جواب عموم پاشالر، ضا.  
 بطالر و نفرلر اوکنده بر کره او قوندی، هر کسک  
 آلقشارینه مظهر اولدقندن صکره عثمان پاشا  
 حضرتلری اونک اوزرینه امضاسنی قویدی وکلان  
 روس ضابطنه تسلیمآ (غراندوق نیقول) یه کوندردی.  
 (۱۳) تشرین ثانیده هوا پک قراکلق اولد.  
 یعنی چون یالکیز سپرلر آره سنده بعض نتیجه سز مصاد.  
 مه لر وقوعه کلدی، (۱۴) ده ایسه ایکی ساعت متبادیا  
 بر سپر اوکنه محاربه ایدلدی. کوچک بر فاصله دن  
 صکره محاربه تکرار باشلادی و آجق کوندوزین  
 ساعت برصولرنده نهایت بولدی.

فقط یالکیز، شو پارچه پارچه محاربه لر اولسه  
 نه ایسه!، لکن دشمن عمومی برطوب آتشی

حمایه‌سنده یکی باشند درت هجوم حرکتی دهایا پیغمه  
 قالقشدی. صاغ جناخ قولی آوجی سپرلرینه قیدر  
 کیردی. ایکی طرف عسکرلری پک شدتلی بر  
 سوبکی محاربه‌سنه باشلادی. بر زمان صکره دشمن  
 غوغا ایتدیکی سپرلر اوکنده (۴۰۰) کیشی براقه‌رق  
 اتش پوسکورن و سونکی پارچه‌لیان عثمانلی دلاورلری  
 قارشوسندن چاره‌سز، کری چکلمکه مجبور اولدی.  
 (عریوچجه) طرفلرینک مهم اولسنه بناء دشمن  
 اوجهته یناشمق خصوصنی تأمین ایده جک استحقا-  
 ملری یاقمله مشغول اولیوردی. لیکن بریده  
 عثمان پاشا حضرتلری ده روس استحقاکمارینی یان  
 اتشنه اله‌جق صورتده بعض یکی استحقاکمار  
 یاپرددی. وضعیت اک صکره او یله بر حاله کیشدی، که  
 قطعات عسکریه دن بعضیلری (۲۴) ساعتمده بردفعه  
 برلقمه اتمک یمک ایچون وقت یابولور، یا بوله مزلردی!  
 (۲۴) ساعتمده یالکز بر قاق دقیقه او یومق ایچون  
 زمان یا بولور، یا بوله مزلردی!

ایکی دشمن عسکرلری بر برینه او درجه یقین

گمشلردی که ، نفرلر یکدیگرینه پکسماد آتهرق  
اکلنورلردی . واکثریسی ترکجه سویلمکی بیلان  
رومانیالیار عثمانلی نفرلریله کوریشهرک بوججه ایله  
وقت کچوریورلردی .

حتی آره صره ترکار ورومانیالیار ، بر آاسترا  
حت ایتمک ایچون بربریله اوزلاشور و بویله جه  
کندیلمکار نیدن ترک مخاصمه ایدرلردی !!

ترکارک بونجه ایشلر ویورغینلقلر ایچنده  
کوستردکلری سکونت وانتظام روس عسکرلرینی  
حیرتده براقیوردی . برچوق یرلرده دشمن عسکر  
لریله پلونه عسکرلری بیتنده یالکزی یدی سکز  
خطوملاک برمسافه و ار ایکن ، روسلر ، ینه آچیقندن  
آچینه برهجوم یامقندن چکنیورلردی .

دشمن (نوید) صوی اوزرنده کی کوپری پی  
تخریب ایتمک ایچون بزستوری مرمی انداخت  
ایتمش ایسه ده ینه موفق اوله مامشدی . قوجه بر  
تیمور خله قه سی ایچنده صیقیشمش اولمقله برابر ،  
پلونه اردوسی کورلمه مش برسرین قانلیلق ،

ایشیدلمه مش بزقهرمانلق کوسترمه دن برنانبه بیله  
 کری قالمیوردی. یالکز آره صره پلونه وجوارینی  
 محیط اولان افق مرئییه دونن کوزلز، خارجدن  
 برقوة امدادیه نك کلوب کلیه جکنی آ کلامق ایچون  
 اورایه طوغری محزون، محزون باقیورلردی!

بر قاج بابایکیت قفاسنی چانطه یه قویه رق  
 اورخانیه جهتیله برارتباط حصوله کتورمک ایچون  
 محاصره اردوسنی یاروب طیشاری فیرلامشدی؛  
 لکن آره دن ایجه برزمان کچدیکی حالدله اوفدا کارلردن

هیچ برسس، هیچ برصدا چیقمامشدی!!  
 (۲۲) تشرین اول کونی دها قره صباحلین  
 دشمن عسکری طرفدن اوزون برصیریغه ربط  
 ایدیلان جسیم برلوحه عثمان پاشایه وایلری قره غول  
 نفرلرینه (قرص) قلعه سنک آندیغنی کوستریوردی!  
 بر آز وقت صکره ایکنجی برلوحه دها چیقارلدی که،  
 اوراده فنا یازلمش برترکجه ایله:

«قرص قلعه سی آندی؛ مختار پاشا تسلیم  
 اولدی. عسکرلر! روسلر سزی هر جهتدن فنا



حاله صیقه‌شیدیرمشدر ؛ سزی بوراده عثمان  
 پاشا طوتیور . کلک تسلیم اولک ! کندیگری  
 قاریلر کزه وچوجقار کزه صاقلایک ! اکر تسلیم  
 اولزسه کز ، مطلق بیلدکزه یا آچلقدن اوله جکسکز  
 ویا خودروس قلیجاری اوکنده جان ویره جکسکز ! ،  
 سوزلری او قونیوردی .

عین زمانده روس قرارگاه عمومی مشیر  
 عثمان پاشا حضرتلرینه ( تائیس ) و ( دایلی نوز )  
 غزته لرنندن برقاچ نسخه کوندردی . بونسخه لرك  
 برنده بروجه آتی سطرلر ماوی یازار برقورشون  
 قلمله چیزلشاردی :

« مختار پاشانک بیوک برهزیمی . . . قرصک  
 شمالنده کی مغلوبیت . . . ( ۲۰ ) بیک عسکر اسیر  
 دوشدی کی ( ۳۰ ) قدرده طوپ الده ایدلشدر . . . »

غازی عثمان پاشا حاضر تلمینک پالونه دن چیقیشی

تشرین ثانینک صوک کونلرینه طوغری عثمان  
 پاشا حاضر تلمری ، عسکرك تعیناتی نه درجه قیصلمش  
 اولسه ینه آنجق اون بش کونلک ذخیره دن بشقه  
 الله برشی اولدیغنی ایجه آکلادی . صوٹوغک  
 تأثیریله ذاتاً پک فنا برحاله کلان یچاره حیوانلر ،  
 یسزلک ویولافسزلق تأثیریله ده بسبتون جان  
 چکیشمکه باشلامشردی . صوک یولاف دمتماری  
 طوپیجی حیوانلرینه احتیاط اولق اوزره صاقلای-  
 نیوردی . چونکه آرتق شوکت پاشانک پلونه یه  
 کیره بیلمش اولسندن قطعاً امید کسلمش ایدی .  
 خسته لر ایچون علاج ، ریاه لیلر ایچون تفتیک یوق  
 ایدی ؛ صوٹوق کوندن کونه شدتی آرتیریوردی !  
 حال بوکه ، اودون اودرجه ده زارددی که ، زواللی  
 نفرلر ، چوربه لرینی پیش-ورمک و برآز ایصنمق  
 ایچون سونکیلریله اوزوم کوکلرینی کسمکه  
 چالیشیورلردی .

نفرلرک کیدکاری البسه یه کانجه حقیقه آنلرده

پك ييرتيق واسكي شيناردن عبارتدي ؛ وهر نفره  
 كونده آنجق ( ۲۰۳۰ ) غراملق بر مصر انكيايه  
 صوده قاينامش برايكي مصر باشاغى ويريله ييلوردى .  
 اك صكره آچلق و صوسزلق دنيلان شى عثمان  
 پاشا خضر تلريني پلونه دن چيقمغه مجبور ايلوردى .  
 شوكونلرده پلونه واسع برتر بهيه دونمشدى كه ،  
 اوراده ( ۳۰ ۴۰ ) بيك كشيلاك براردواحتياجات  
 يوزندن محو اولمق درجه سنه اينوردى . وضعت  
 پك اميدسز ، اماسز بروضعت ايدى ا ارتقى  
 فوق العاده بر چاره آزامه نك زمانى گلش ايدى .  
 كانون اولك برنجى كوني ، عثمان پاشا بتون  
 فرقه ولوا قوماندانلريني يانسه طوپلادى . اونلره  
 ذخيره انبارنده بر مصر باشاغى ويا بغدادى دانه سى  
 قانجه يه قدر محاربه ايدرك اك صكره چاره سز  
 تسليم اولمق مى ، يوقسه ، اميدسز بر خروج حركتى  
 ياهر ق دشمنه يا غالب كلـك ويا اسير دوشمك مى  
 لازمدر ؟ يوايكي بيوك مسئله يي صورتى . بو  
 سؤاللره ويريله جك جواب خصوصنده مجلس

ایچه دوشونندی ، طاشندی ، لیکن اک صکره یینه  
 فکر لر ایکی یه آیرلمش اولدیغی حالدده طاغیلدی .  
 ایکنجی بر مجلسده عثمان پاشا . حضرتلرینک  
 فکری تفوق ایدر ؛ و هر کس اوکا کوره حرکت  
 ایتمکه راضی اولور . بونک اوزرینه مجلسده جریان  
 ایدن مذاکره در حال قلمه آنور و بتون اعضا  
 طرفدن امضا ایدیلور .

ایشی ، محاصریته سز دیرمه مک ایچون او آندن  
 اعتباراً سکونته بر درجه دها اعتنا کوسستریله برک  
 یواش ، یواش حاضرلق کورمکه باشلانندی . عثمان  
 پاشا تکمیل طابورلری یکیدن تشکیل ایتدی و هپسینک  
 کوزلجه تسلیح ایدلمش اولدیغنه قناعت حاصل ایلدی  
 صکره اوچ کون ایچنده عسکره تام تعیین ویره رک  
 بووجه ایله اونلری جانلاندرمغه چالشدی . هر نفر  
 ایچونده کندی اوزرنده طاشیمق شرطیله آلتیشیر  
 کونلک تعیین آیردی .

صندوقده کی پاره طابورباشنه (۸) بیک غروش  
 دوشه جک وجه ایله تقسیم ایلدی ؛ جیبخانه

وچادرلرده كنداك طابورلر آرهسنه مساواتاً تقسيم اولدى .

اك صكره عثمان پاشا حضرتلرى پلونهدهكى خستهلر و ياره ليلرى كزدى ؛ روسلر ك بوزوالليلره قرشو حسن معامله ايده جكلرندن امين ايدى . يالكز بلغارلر ك شرنندن قورقيوردى . بونك اچون قربانلر ك عددينى آزالتمق فكريله يورويشه ويورغنلغه تحمل ايده جك درجهده قوى اولانلر يني برابر آلمغه قرار ويردى .

خستهلر و ياره ليلرى كزهرك اچلرندن يوريمكه اقتدارلرى اولانلرى سچمكه مامور دوكتورلر ك وپردكلى راپورده ( ۳۵۰ ) كيشينك يرلرندن قىلدانه ميه جق بر حالده بولندقارى آكلاشلىدى . چاره سز ؛ اوللرى پلونهده براقق لازم كليوردى . اوت ؛ هر بريسنك كو كسنده يابرقاچ قورشون دليكى ويا براقق سونكى ياره سى بولنان شو زوالليلر اك صكه پلونه جاده سى بويجه كيدن بيوك بيوك اولره يرلشديرلديلر . اوزرى فرانسزجه وترچكه ايده

یازیلی اولان بر صلیب احمر او ، اولرده خسته‌لر  
ویاره‌لیلر اولدیغنی کوس‌تریوردی . براداره  
مأموری ، وبرقاچ صحیه ضابطی وجراح خسته‌لره  
باقیق اوزره پلونه‌ده ترك ایدلدی ، وبونلره ( ۳۰ )  
کونلک تعیینات ویرلدی .

( ۶ ) کانون اولده عثمان پاشا حضرتلری کوپری  
جهتنده کی مدافعه ایشلرینی و غرب جبهه‌سنک  
ایلروسنده واقع دشمن موضعلرینی ایوجه بر  
کوزدن کچوردی . قرارگاه عمومیده هنوز حاضرلق  
اکمال ایدلمه‌مش اولدیغیچون عثمان پاشا چاره‌سز ؛  
خروج حرکتی برایکی کون کری برانغه لزوم  
کوردی .

آیک سکزنجی کونی روسلر ، ( وید ) صوی  
بوینجه یعنی اوواده<sup>۹۹</sup> برنمایش یابدیلر وعین کونک  
آقشام اوستی عثمان پاشا فرقه ولوا قوماندانلریله  
بتون امرایه و بیکیباشیاره براردو امری کوندر-  
دی . بوامر کانون اولک ( ۱۰ ) نجی کونی یاپیله-

جق خروج حرکتک بتون نفصیلاتنی کوستریور  
ایدی .

پلونه مسلمانلری ، عثمان پاشانک بوفکرینی  
اوکرندکلری کبی درحال مشارالیه بر عرضحال  
ویردیله . و بونکله کندیلرینک روسلر و بلغارلر  
النه ترك ایدلمه ملرینی پک چوق رجا و نیاز  
ایلدیلر . عثمان پاشا ، بر خیلی ضابطانک اونلره  
نظارت ایتک اوزره پلونه ده قاله جغنی وبالذات  
کندیسی اونلری پلونه ده کی بلغار و جوهنه توصیه  
ایلیه جگنی و اوندن بشقه روسیه امپراطوری پک  
شفیق و عالیجناب بر آدم اولدیغیچون هیج بر  
شیدن قورقمه مق لازم کلدیکنی سویلدی . برده  
اونلر ایچون پلونه دن چیقماق و حین حاجتده ینه  
گری دونمک خصوصلری بیوک بر محاربه دن زیاده  
مهلاک اوله جغنی و اونلر بووجه ایله قاریلرینی  
و چو جقلرینی بسبتون محو و پریشان ایلیه جکلرینی ده  
سویلدی . لکن مشارالیه بو خصوصده هر نه  
سویله دیسه ، هیج بر فائده سی کورلمدی . اونلر

بالعكس نه اولورسه اولسون پلونه اردوسنی تعقیب  
ایتمکه ، عثمان پاشادن آیرلماغه قرار ویردیلر .  
یازیق که ، مشیر پاشا اونلرک قافله دن صکره  
اردویی تعقیب ایتمش اولملرینه مساعده ویردی ا  
( ۳۰۶ ) عالهدن ترتب ایدن بوپلونه مسلمانلری ،  
قطعات عسکریه نك یورویشتی پك چوق تأخیر ایتدیلر  
واک صکره موفقیتسنزلکه تاثیر ایدن باشلوجه  
سپیلردن بری اولدیلر .

حرکت کونندن برکون اول عثمان پاشا پلونه ده کی  
پاپاسلر ایله ایلرو کلانلردن اون قدر بلغاری یانته  
چاغردی . اونلره ، حکومت سنیه نك بونجه زماندن  
بری ایتمش اولدیغی بونجه ایولکلرینی برر ، برر  
صایدی . وپلونه ده براقیله جق یاره لیلر ایله خسته لره  
فینا معامله ایتملرینه دائر اونلره بریمین ویردیردی .  
پاپاسلر وبلغار بیوکلری ، کندیلرینه امانت ایدیلان  
بیچاره خسته لرک قیلنه بیله ضرر کلیه جکنی ، اینجیله  
ال باصهرق ، یمین ایتدیلر . اونلرک سوزلرنده نصل  
طوردقلرینی و بر بلغار یمینی قاچ پاره ایتدیکنی



بر آزا شاغیده کوره جکز !

عثمان پاشا خروج حرکته موفق اوله بيله جکني  
 يك امید ایده میوردی . لکن پلونه بی بر قصابخانه یه  
 چوپر مکدن ایسه محاصره خطری اوزرنده بوغاز  
 بوغازه کلکی واک صکره اووجه ایله اسیر دوشمکی  
 ترجیح ایدیوردی . شاید بو خروج حرکتی  
 موفق اولورسه، عثمان پاشانک فیکری (ایسکر)  
 نهرینک اوته یقه سنه کچمک و دشمنله کندی آره سنه  
 شوپله بر مانع قویدقدن صکره یواش یواش صوفیه یه  
 چکیله رک بالقان سلسله سنک غرب جهتی مدافعه یه  
 مأمور اردولرله بر اشمکه چالشمق ایدی .

دردت بش آیدن بری پلونه یه قپانمش اولان  
 عسکرلر، خروج حرکتی ایشندکاری زمان زنجیر  
 اسارتدن قورتلمش آرسلانلر و قپلانلر کبی بر آن  
 اول محاصره خطری اوزرینه آتلمق ایچون  
 فرصت بکلپورلردی . بر نفر، محاصرین اردوسنک  
 جسماتی، محاصره خطلرینک وضعیتینی محاکمه  
 ایده جک اقتدار بی حائر دکلدرکه، پلونه اردوسنک

خروج حرکتی اٹناسندہ راست کله جکی مشکلاتک  
بیوکلکنی آکلایه بیلسون!

شو صوڪ كونلرده اورخانیه جهتندن بر قوه  
امدادیه نك كلسنه ، كرك چك طیانلمز بر صبرسنزلق  
ایله انتظار اولنیوردی . پلونه اردو کاهنده ضعیف  
یورکلی بر شاعر اولسه ایدی، هیچ شبهه ایدلمزکه،  
ایکی ده برده اورخانیه جهتنه، محصورین و محاصرین  
طوپلریله اکثریا قرمزلی قره لی بر افق تشکیل  
ایدن اوچیلاق بایرلره محزون محزون باقان کوزلره :  
« آغلا؛ ای کوزلرم ، آغلا! نه کلور وار، نه کیدن! »  
سوزیله مقابله ایدردی .

کانون اولك طقوزنجی کونی اوکله دن صکره  
بروقه ناکهانی آزالدی هر شیئی یوزاوستی براقدیره -  
جقدی؛ اوزون بر دیرك اوستنه نوبت بکلیمان نفره،  
(لوقویك) بایرلری استقامتده کثیف بر طومانك  
یوکسلمکده اولدیغنی کوردی . بتون کوزلر او جهته  
دونه رك بر امداد اردوسنك ظهورینی کورمك  
اوزره افق مرئی پی تماشایه طالدی .

مشیر پاشا حضرتلری ده بوکوزل خیاله اشتراك  
ایلمش اولدیغیچون طومانک یوکسلیدیکی یرلری  
استکشاف ایلمک فکریله اوجهته بیوک رتبه لی  
ضابطلردن برقاچ دانه سنی کوندردی. بوضابطلر  
لازم کلان استکشافی اجرادن صکره کری دوندیله؛  
لکن ویردکاری راپورده ، او کشف طومان  
بلوطنک برامداد اردوسنک کلسنه دکل ، بالغکس  
برموسقوف اتزریقه حیسنک حیه سنه علامت  
اولدیغی کوستردیلر.

\*  
\*  
\*

بوندن صکره آرتق هیج برشی بکلمه مکه قرار  
ویرمش اولان عثمان پاشا حضرتلری، برآن اول  
پلونه دن چیقمق ایستیوردی . وبونک ایچون هر  
شیئی برآن اول تسریع اتمکه چالیشیوردی .  
مشیر پاشا حضرتلری ایلك اوکجه پلونه مواضعی  
یکدیگرینه و مرکزہ باغلایان تلغراف خطلرینی برر،  
بررکسیدردی. مشارالیهک بویله یامغه حتی واردی.  
چونکه، حتی برامداد اردوسی کیش اولسی حالنده

بیله ، ینه بر خروج حرکتی یاقق بهمه حال ایجاب  
ایدیوردی . حقیقت ! امداد عسکر لرینی ، ایچرده  
بکلمکدن ایسه ، اونلرک استقبالنه کیدرک دشمنی  
ایکی آتش آره سنده بولندرمق عثمان پاشا ایچون دها  
ایو کورونیوردی .

کیجه ، پک صیق بر سیس طبقه سی پلونه  
وجوارینی کوز کوزی کورمیه جک صورتده استیلا  
ایلدی . کویا که ، ستار مطلق حضرتلری ، درت یچق  
آیدن بری بر قاچ یوز بیک دشمن عسکرینه کوکس  
کرهش وقفسدن طیشاری فیرلامغه چالیشان  
آرسلانلرکی ، محاصرین اردوسنی یاره رق طیشاری  
آنلمغه نیت ایتمش اولان بر آووج اسلام اردوسنک  
بتون حرکتی دشمن کوزندن صاقلامق ایچون آره  
یره بر پرده ظلام چکمش ایدی !

کانون اول آینده اولدیغمزی اونو تمیهلم . پلونه  
قراکلی وپک صیق بر سیس طبقه سیله هر جهتدن  
اورتلدکن بشقه کیجه دوشن قراغی سببیه کرک  
انسانلر وکرک حیوانلر یورویشده پک زیاده

مشكلات چکيورلردى . يولى شاشرمامق اچون  
 الكصكره اكسيلىز ياقمغه مجبوريت كورلدى . بونكاه  
 برابر ، اردونك اجتماعى پك سكونتلى و عارضه سز  
 بر صورتده اكال ايدلدى .

بر قاچ ساعت اول درت بش فرسخلق بر  
 منطقه اوزرينه يايلى بولنان (۴۰) بيك كيشى  
 بار كيرلر و عربهلر يله برلكده شمدى پلونه اهالىسى  
 اوكنده و طار بريرده طويلانمش بولنيورلردى .  
 اكر بعض كره ، يابدقلىرى كى روسلر بوكيجه ده  
 كوپرى جوارينه آتش ايتمش اولسه لردى ، شبهه سز  
 اوزتهلق پك دهشتلى بر قصابخانه يه دونمش  
 اولوردى !

قطعات عسكريه يواش ، يواش (ويد) صوينى  
 آتلامغه باشلاديلر . صباحلين ساعت اون بچق  
 صولرنده طاهر پاشانك قومانداسنه ويريلان برنجى  
 فرقه نك هپسى نهر ك صول ساحلنه كچمش و عثمان  
 پاشا حضرتلرينك امرينه كوره نهر دن بر يوز  
 خطوه ايلر وده يالكر بر خط اوزره يايلمغه باشلامش

بولنيوردی . قافله ایسه ، هنوز کوپریدن کچید  
 حرکتی یامغه باشلاش ایدی؛ لکن شفق سوکدیکی  
 زمان، عربهلرک یالکزر یاریسی کوپری یی کچه بیلدس  
 ایدی وفرقه نك محاربه نظامنه کیرمش اولسی ده  
 یننه آنجق کوندوزین ساعت بر یچق صولرنده  
 وقوعه کله بیلمش ایدی .

یازیق که ، روسلر برکیجه اول ، خروج  
 حرکتک او جهتدن اجرا ایدیله جکئی آز چوق  
 سزمش اولدقلرچون قطعات عسکریه لرینک اک  
 بیوک قسمی اوطرفه طوپلامشلر ایدی . بونک  
 اوزرینه ایشک حقیقت واساسی بسبتون اورتیه  
 حیقیدینی کبی اونلر همان بطریه آتشلریله ( دولی  
 دو بنیاق) جهتدن عثمانیلرک صول جناحی دوککه  
 باشلادیلر .

بووجه ایله قزیشان محاربه یواش ، یواش  
 ایلرولمکه یوزطوتدی . غازی عثمان پاشا حضرتلری  
 مرکز لواسی باشنده اولدینی حالدده حرکات عمومیه یی  
 سوق واداره ایدیوردی . مشارالیهک، بونقطه ده

کوستره ش اولدیغی فضائل مردانکی و عسکر یسینی  
 تقدیر ایتمک ممکن دکادر. بر آز وقت صکره، برنجی  
 فرقه، مرکز ایلروسننده کی استحقاکلر ایله دشمن  
 خطنک صول جناحی اوزرینه متصل آتیش ایتمکه  
 اولان ایکنجی فرقه طوپجیلرینک سایه سننده ایجه  
 ایلرولمکه باشلادی. بوزمان ساعت هنوز ایکی یه  
 کلش ایدی .

دشمنک مرکز طابیه لری شو صر دده، عثمان  
 پاشا اردوسنک خروج حرکتی یایمق اوزره اولدیغی  
 بتون محاصرینه خبر ویرمک ایچون بر طرفدن  
 ایلرولیان محصورین عسکر لرینه آتیش پوسکوردی،  
 بر طرفدن هوا فشنگکاری یاقیوردی. یوکا قارشو  
 ایسه، عثمانلی دلاور لری هپ بر آغزدن «الله اکبر!  
 الله اکبر! . . .» ندالری کؤک یوزینه صاچه رق  
 بر قاچ دقیقه ایچنده (۱۵۰۰) خطوه لک مسافه قطع  
 ایده جک صورتده یورویشلرینه دوام ایدیور لردی.  
 هر حادثه باشنده حاضر و ناظر اولان مهندس  
 (طوتله بن) محصورین اردوسنک خط رجعتی

کسیمک فکریله در حال بر چوپر مه حرکتی یامغه  
باشلادی .

عین زمانده ، روس اردوسی باش قوماندانی ،  
یعنی غراندوق نيقولا عثمانلیلرک خروج حرکتی  
یامق اوزره اولدقلرینی وبهمه حال بر میدان محلا  
ربه سی وقوعه کله جگنی امپراطوره خبر ویرمک  
ایچون بریاور کوندردی . امپراطور . شو خبری  
آلدیغی کبی همان کویلرده و اردوکاهلرده عمومی  
بر سلاح باشنه بوریسی چالدیرتدی . بتون قطعات  
عسکریه ، حتی ایشه قاریشمغه مجبورتی اولیانلر  
بیله در حال سلاحه صارلدیلر .

ویند صوبی کنارلرندن پلونه ایچریلرینه قدر  
هریر آتش ایچنه قالمش ، یعنی محاربه او درجه  
آز بر زمان ایچنده هرپانه سرایت ایلمش بولنیور  
ایدی . هر بریسی کیم بیلور قاچ کشینک قانسه  
بدل اولان تفنک سسلری بر آنده هر جهندن  
ایشیدیلور وحتی آره صره (پورودین) جهتلرندن  
کلان طوپ سسلری بیله طویلوردی .



هر طرفك آتش آلمسی اوزرینه (چار) درحال  
 (غریبچه) به کلدی و بتون میدان محاربه میدانی  
 کورمه که مساعد اولان بیوک براستحکامک الیوکسک  
 نقطه سنه چیقدی. مشار الیه النده بر دور بین  
 اولدینی حالدہ متصل شودهشتلی غوغانک  
 صورت جریانی رصد ایدوب طور یوردی.

هریر بوغاز بوغازه کلش، تفنک و طوپ  
 آتشری ایچنده قالمش کومه کومه انسانلری  
 کوسترر، برر منظره تشکیل ایدیوردی. قبه سماء  
 دهشتلی طوپ کورملری و آجی آجی انسان  
 سسلریله عکس انداز اولیوردی!

بوولوله عظاما قرشوسنده، امپراطورک چهره سی  
 بال مومی کبی صاب. صاری کسلمش ایدی . .  
 هر پاطلایشه الی، آلتش کیشی بردن یره سرن  
 طوپ سسلرینی ایشدکجه مشار الیهک یوره کی اوینار  
 وایکی ده برده آغزندن قاجیردینی آهلر ایله تاثیرات  
 قلبیه سنی اظهار ایدیور ایدی.

بر آز اول دیدیکمز کبی عثمانلیسر (۱۵۰۰)

خطوه قدر ایلرو کیتد کدن صکره، دشمنک کشف  
 آتشلری اوکنده چاره سز، بر آز توقف ایتمه  
 مجبوزیت کوردیلر.

خط حربک مرکزی جوارنده هر جهت  
 بر نظر آتشین ایله سوزمکده اولان غازی عثمان  
 پاشا حضرتلری شو حالی کورنجه همان آوجی  
 خطنی تقویه ایتدیرر و بونک اوزرینه یورویشلرنده  
 آز چوق تردد کوسترمش اولان قطعات عسکریه  
 تکرار ایلری یورومکه باشلامش اولور.

شو صروده محاربه یرینک کوستردیکی قانلی  
 منظره بی تعریف ایتک ایچون بیلمم لسان بشر  
 ویا کثری اوکاوکالت ایدن قوری برچوپ پارچه سی  
 کیفیت ایدرمی! عثمانلی قطعات عسکریه سیله قافله  
 اوزرینه ایریلی اوفاقلی مر میلردن تشکل ایدن  
 غایت کشف بر یاغمور، یاغمورده دکل بر طولو  
 دوشیور. بالخاصه قافله نک تا اورته سنه کلان طوپ  
 کله لری ایکی ده برده جیخانه صندوقلری و قیاقیلیری  
 برهوا ایدیور، بونلرک بر هوا اولسیله برچوق

بارکیرلر ، بر چوق عربہ جینلر یرہ دور یلیور .  
 دشمنک سپرلری واستحکاملری اوزرینہ باغری  
 باشی آچیق بر صورتده عادتا ، سمندرلر کبی  
 ایلرولمکه چالیشان پیاده عسکرلرینک بر چوغی  
 یایلمه آتشلری آره سنده غائب اولوب کیدیور .  
 حاصلی پلونه نك شو ساعتده ، شو دقیقه ده کی  
 وضعیتی یا محشر دن ویا قیامتدن نمونه اولمغه شایان  
 برلوحه تشکیل ایدیور . اوله ایکن عثمانلی قطعاتی  
 بوقورشون یا غمورلری ، بو سونکی اورمانلری  
 ایچنه ایلریلمکدن ینه بر دم خالی قالمیورلر .  
 اوت! عثمانیلر اک صکره محاصره خطلرینک  
 اک یقین اولان اقسامنه واصل اولور ؛ و هجوم  
 توروشیله خصمک ایلاک استحکاملرینه آتیلور ؛  
 دشمن عسکرلری اوزرینہ یلدریم کبی دوشمر ،  
 اونلری کری پوسکور تور پوسکور تمز همان آر-  
 قهده کی استحکاملره ده هجوم ایدرلر .  
 بو هجومده ایکی عثمانلی طابوری ، مناستر  
 وادرنه طابورلری ، شمنک یایلم اتشلری اوکنده

ا کین دمتلری کبی بر آنده یزه سر یلمش ایدی! هجوم او درجه سریع و شدید اولمشدی، که روس طوپچیلری طوپ بندرمکه و کری چکلمکه وقت بولمقسزین یرلی یرنده قالهرق هاجمین قطعانسه عرض استیانه مجبوریت کورمشاردی.

برنجی فرقه شو تعریف ایلدیکمز هجوم سایهسنده دشمنک خط مدافعهسنی یارمغه، اوج بیوک استحکام ایله اون بر قدر طوپ ضبط ایتمه موفق اولدی. نه فائدهسی وار که، برنجی فرقه شو مظفریت کبرایی. بسبتون اکمال ایدهمیه جک صورتده ایلریده بیوک بر مانعه تصادف ایلدی. اوت! شو برنجی خط مدافعه نك ( ۱۰۰۰ ) خطوه کریسنده روسلر طرفندن مدافعه اولتور، ایکنجی بر خط مدافعه دهها وار ایدی، عثمانلی نفرلری، بو خط مدافعه یی اله کچورمدکجه ممکن دکل برنجی خط مدافعه ده ثبات ایده مزلردی. چونکه بو خط اوزرنده روسلرک یامش اولدقلری استحکاملر، بوغازی آچیق استحکاملردن اولدیغی

اچون اورايه يرلشن عثمانلی نفرلری آنجق  
سپرلرک شیو خارچیلری اوزرنده یاتهرق کندیلرینی  
ایکنجی خطده کی دشمن عسکرلرندن برآز قورویه  
بیلورلردی.

بونک اوزرینه یونس بک لواسندن درت  
طابور شو ایکنجی خط مدافعهیه هجوم ایتدیر.  
یلهرک بک آز وقت ایچنده خط مذکورک مرکزی  
طابیهلرندن بریسی ضبط ایدلی.

نه چاره سی وارکه ، اولجه برنجی خطدن  
چکلمش اولان دشمن پیاده سیله سواریلری ایجه  
تقویه ایدلرکن صکره جبهه ایلروسنده و صاغ  
جناحده برلشهرک برنجی خط ایله ایکنجی خطک  
عثمانلیلر انه کچن اقسامی شدتلی تفنک وشراینل  
آتشرینه معروض قالمش ایدی . هر نه قدر  
دشمنک بو بطریه لری اوزرینه هجوم ایتک ایستلمش  
ایسه ده عثمانلی پیاده سیک آزغنی و وضعیتک او یغونیسز.  
لغیله طویچینک یوقسزلغی شو حرکتک اجراسنه  
ممانعت ایدلی . یالکز و پریلان امره نظراً او پر

آووج عسکر، ایکنجی فرقه کلنجیه قدر ضبط  
اولنان یرلرده قالمغه چالیشدی.

مصر ترلاری ایچنده کیزلنان بر دشمن  
مفرزه سی یکدن استحکاملردن برینه هجوم ایتدی.

بونک اوزرینه عثمانلیلر درحال بولندقلری شیو  
خارجی بی ترک ایله اولنرک استقبالنه قوشدیلر.

عین زمانده بر دشمن سواری قطعهنی میدانه  
چیقمش اولمقله اولنلرده صول طرفدن کلان طوپ

آتشلرندن محفوظ قالمق اوزره استحکامک صاغ  
جهتنده یاترلمش بولنان یکرمی اوتوز پیاده

آتشیله استقبال ایددیلر. روسلر کرچه شو  
هجومی بکلمدیلر، کری چکادیلر: لکن آنلرک

بطریه لری طرفدن اجرا ایدیلان شرانبل اندا.  
ختلری عثمانلی پیاده لرینی متصل یچوب کسیونرلردی.

برنجی فرقه کاملاً محاربه یه اشتراک ایلمش  
ایدی. لکن ایکنجی فرقه هنوز محاربه برینه

یتشمدیکی حالده، روسلر، دقیقه باشنه یکی یکی  
امدادلر ایله کندیلرینی تقویه ایدوب طور یورلردی.

هله شکر لر اولسون ! ایکنجی فرقه دن ایکی  
 طابور عسکر ، صاع جناحه یتیشهرک درحال  
 محاربه یه اشتراک ایلدی . عین زمانده قافله محاربه  
 فظه سنه مأمور لوادن برطابور عسکر یعنی ( آیدین )  
 معاونه طابوری بالذات لوا قوماندانیله برابر ایش  
 باشنه کله بیلمش ایسه ده اوندن چوق برشی  
 استفاده اولنه مامشدر .

هر حالده دشمنک قوای موجوده وامدادیه -  
 سنه نظراً بوکلان طابور لر برنجی فرقه نك تأمین  
 حرکاتنه کفایت ایتیه جک درجه ده اهمیتسنر شیلر  
 ایدی . لاینقطع یاغان مرمی وقورشون یاغمورلری  
 سیلر کبی آقان قانلر ، ایکی ده برده یره سریلان  
 آرسلان ترکلرک اوضاع غربیانه سی قطعات  
 عسکر یه نك ایلرولمسنی آز چوق ترده دوشو -  
 ریوردی ؛ اورته لاق عادتاً برسلحخانه یه دونمشدی .  
 ضابطلرک اوچده ایکیسی یا شهید اولمش  
 ویا مجروح دوشمش اولدینی ایچون صاع قالان  
 برقاج ضابط چاره سنزکری دونمکی دوشونیورلردی .

ترکر، روس موضع لرینه قارشو فوق العاده بر  
 تهور ایله هجوم ایتشلردی. بالذات عثمان پاشا  
 حضرت لری طرفدن قوماندا ایدیلان برقطعه عسکریه  
 جبهه خطنی یارمش و سیریا (غره نادیه) آایلر یله جنوبی  
 روسیه آایلرینک مدافعه ایتمکده بولندقلری  
 ظابیه لری سونکی هجومیله ضبط ایلمش ایدی.  
 روس قرارگاه عمومیسنده، اویله ظن ایدلدی که  
 بوقانلی هجوم، بو حرکت قهرمان پسندانه محاصرین  
 خطرینی براوجندن اوته کینه قدر یاروب کیده جکدر!  
 لکن، جنوبی روسیه آایی، اوکا قارشو  
 تعیه سنی دکیشدیره رک اک صکره طابور، طابور  
 ایلرولمکه باشلادی. ترکر ایجه اراضی و مسافه  
 قازاندقدن بشقه اوکلرنده کی موسقوف عسکر لرینه  
 کرچک اینانلمز درجه ده بر قورقو ودهشت  
 ویرمشلردی.

شو آرهلوق البده قلیج اولدیغی حالده بردن بره میدانه  
 چیقان بر روس ضابطی عثمانلی پیاده لری اوزرینه  
 یوریمکه باشلادی و اونک شو حرکتی کورن



عسکر لر جسارته کله رڼک اونى تعقيب ایتمه که اوز ندیلر.  
 آچیلش اولان صف لر برلشدکن صکره هر ایکی  
 دشمن اردوسی یوز یوزه کلک اوزره بر برینه قرشو  
 یوریمکه باشلادی. ایشته بو صرده ده بتون خط حرب  
 بو یخه آرتق نوبت آتشدن سونکی او جلرینه انتقال  
 ایدرک بوغاز، بوغازه کلان شمال و جنوب دشمن لرینک  
 حالی کرچک طیانا لمیه جق بر منظره قانلی و شانلی  
 بر منظره وجوده کتور یوردی. اویله بر منظره که،  
 قیریلان سونکی لرک، کسپیلان باشلرک عددینی، دو کیلان  
 قانلرک مقـدارینی سویلمک ممکن اوله مزیدی! ذاتاً  
 عددجه بک آز بر مقداره اینان ترک عسکرلری  
 اوکنه سونکی لردن بر حائل، آشلمسی، قیرلمسی  
 ناقابل بر پرده تشکیل ایدرک آنلری چاره سز  
 کری چکمکه مجبور ایلدیلر.

شو هجوم حرکتی بیوک بر صقندی ایله دقیقه سی  
 دقیقه سنه تعقیب ایتش اولان ایمپراطور ایله یانی باشنده  
 آباق اوزری طوران حربیه ناظری یعنی (میلوتین)  
 آره سنده آتیده کی محاوره جریان ایلش ایدی:

«بو جسور ضابطی کوردیکزمی؟»

— اوت ، خشم‌تیناهم ! کرچک بر روس

ضابطی اولدیغنی حقیله اثبات ایلدی..

بو کونکی مظفریتمز هپ آنک سایه‌سنده در.

(فاناغوریا) و (آستراقان) آلایلرینک نصل ایلرولد.

کلرینی بیلامم ذات خشتناهیاری کوریورلرمی؟.

شکرلر اولسون تخاریه کوزل بر نتیجه ایله نهایت

بولدی. ترکلر عمومیتله کری چکیلیورلر.

— او ضابطی اونوتیمکز ، بن اونی بو کون

کورمک ایسترم.

عثمانیلر، اولجه ضبط ایلمش اولدقلری برنجی

خط مدافعه‌یه چکلدیلر. یازیق، که دشمنک هر

جهتدن تضییق کورن بو خطده کی عسکرلر

تزلزله دوشه‌رک اک صکره اوراسنی ده ترک ایتمکه

مجبوریت حاصل اولدی. خط مدافعه‌نک اک

چوق تضییق کوره‌ن، اک چوق امیدسز قالان یری

صاغ جناح ایدی. آنک ایچون ایلاک اوکجه رجعت

حرکتی اورادن باشلامش ایدی. عثمان پاشا

اردوسی بو صباح دللرده داستان اوله جق درجه ده  
 بر قهرمانلق کوستردکن صکره چاره سز دشمنک  
 عددجه اولان تقوقی اوکنه مغلوباً کری چکلمکه  
 قرار ویردی .

قافله نك کیروسنه بیغلمش قالمش اولان چوجقار  
 وقاریلر اردونک شو حالنی و آره صره ایچلرینه دوشن  
 مرمی پارچه لرینی کورینجه در حال بر واویلا قوپار-  
 دیلر. اونلرک شو فریادی عسکرلر ایچنده ده بیوک  
 تأثیرلر حاصل ایلدی. عسکرلرک ایجه بر قسمی  
 شهید اولمش ، دیگر بر قسمی ده مجروح دوشمش  
 ایدی. یاره لی ، یاره سز بتون ضابطان شو ولوله  
 عظمايه کوزل بر نتیجه ویرمک ایچون اللرندن  
 کلان غیرته اصلا قصور ایتمدیلر. حتی غازی  
 عثمان پاشا حضرتلری بیله الله قلیج اولدنی حالده  
 شو فلاکت عظمانک بر آن اول اوکنی آلمغه وهر  
 زمان، حیرت ایدیله جک بر جسارت و اعتدال دم  
 ایله قهرمان عسکرلرینه تسلی ویزمکه چالیشیوردی.  
 یازیق! اک صکرده بر موسقوف طوبندن چیقان

شیرانپل پارچه‌سی، قرق بیك كشیك پر اردونك  
 تأمین سلامتی ایچون قلیج ساللایان، او غازی  
 نامدازك وجود مبارکنه ایلیشه‌رك مشارالیه‌ده  
 پلونه اردوسی یاره‌لیلرینه الحاق ایلدی!

عثمان پاشا حضرتلرینك یاره‌لنمسی اوزرینه  
 آرتق عسكرك قوه مغنویه‌سی بسبتون کسپله‌رك  
 طبیعی خصم عاینه یوریمکدن زیاده پلونه استقامتنده  
 حکمك فکرلری کسب تفوق ایلدی؛ و چاره‌سز  
 عسکرده رجعت حرکتی یامغه باشلادی.

عادل پاشا قومانداسنده اولان ایکنجی فرقه  
 بو زمانه قدر عجیبا زرده قالمش، نه اواش ایدی!  
 شمعی برآزده اوندن بحث ایتك ایستیوروز؛  
 آقشام ساعت (۱۲) به قدر خصم طوونجیلری  
 (غریوچه) طابیه‌سپله آنك قومشوسی اولان دیگر  
 بر طابیه اوزرینه آتش ایتکدن بر تابه‌سپله بوش  
 طورمدیلر. برآز صکرده، یعنی عثمان پاشا حضر-  
 تلرینك رجعت حرکتی اوکره‌ندکلیری زمان اونلر  
 آرتق آتش ایتکدن صرفظراه یلکز مهتابلر

یاقغه باشلادیلر. هر جهتدن کلان آوجیلر ایله  
سائر قطعات عسکریه همان غریبجه طایفه  
اوشوشدیلر. و آرز وقت صکره (بوقووا) کوینه  
قدر ایرولا دیلر. ایکنجی فرقه نك عاطف پاشا  
اداره سنده و مستحکم سپرلر کروسنده بولنان  
ایکنجی لواسی بطریه لرك استنادی سایه سنده یغین  
یغین ایرولیان روس عسکرلرینی (بوقووا) دره سی  
بوینجه طور دیرمنه موفق اولدی.

ادهم پاشا لواسنك (۲) طاپوری (۳۰۰)  
عربه نك کچید حرکاتی حمایه ایتمک ایچون (وید)  
نهرینك صول ساحلی اشغاله مأمور ایلمشلردی.  
اولجه سه یئلان زمانده یعنی شفق سوکمز دن اول، دیدیکمز  
شوایکی طاپور، نهری کچه رك دشمندن کورلمیه جك  
وجه ایله قول نظامنده اخذ موضع ایلدیلر.  
برنجی فرقه نك حرکاتی تقلیداً بر آرز وقت صکره  
اونلرده محاربه نظامنه کیردیلر و صاغ ساحله باش  
کوسترن روسلره قرشو حقیقت پك ایو بر صورتده  
غوغا ایلدیلر. مذکور طاپورلردن بریسی اساساً

(۶۰۰) کیشیدن عبارت ایکن بو طوپیجی و پیاده  
 محاربه سنده تلف اوله اوله، نهایت (۱۵۰) کیشی یه  
 اینمش ایدی. محاربه او درجه کسکین و شدتلی  
 بر صورتده جریان ایلدی!

دشمن یواش یواش (اوپانز) تپه لر نده ده پک  
 بیوک قوتلر کوستر مکه باشلادی. (۴) طاپور عکر له  
 اوراددی است حکاملرک مدافعه سنه مأمور اولان ادهم  
 پاشا، برنجی فرقه نکر رجعتدن ایجه زمان صکره لر له  
 قدر خصمک متعدد هجوملرینه کوکس کر مش ایدی.  
 نه چاره سی وارکه، ثبات و مهارت عسکریه، قوتک  
 چوقلغنه طیانه میهرق نهایت اوده روسلر الیه دوشمکه  
 مجبوریت کوردی. بونک اوزرینه عثمان پاشانک  
 آرتق صوک امید ایتدیکی نقطه دخی روسلر الیه  
 کچمش اولدیغی چون دشمن اردوسنه بلا شرط تسلیم  
 اولمق احتیاجی کورلدی.

(ترینا) بایرلرینی مدافعه یه مأمور اولان حسین  
 وصفی پاشا لواسی ده روس هجوملرینه پک قهر مانجه  
 کوکس کردک عثمان پاشا حاضر تلرندن (تسلیم اول!)،

امری کلدکچه بر قاریشلق یربیاہ دشمنه ویرمه مش  
ایدی .

برنجی فرقه بوزلدق دن صکره کوچ بلا ( وید )  
صوینک تکرار صاغ کنارینه کچه بیلدی . غازی  
عثمان پاشا حضرتلری ده کوپری جوارنده وپلونه  
یولی اوزرنده بر بکچی قولبه سنه کتورلدی . بر  
قاچ ساعت اول کوکرده مش آرسلانلر کبی دشمن  
استحکاملری اوزرینه یالین قلیچ یوریمیکی جانه  
منت بیلان شو یاره لی آرسلانک شمدیکی خالده عادی  
بر بکچی قولبه سنده یاتیشی حقیقت پک یانیق بر  
منظره تشکیل ایدیوردی ! !

بو حاله قرشوروسلرک آرتق آتش کسملری ،  
هجومدن واز کچملری لازم کلوردی ، دگی !  
لکن هیات ! اونلر هیچده اویله یایمدیلر .  
بالعکس اسکیدن زیاده شدت گوستردرک عثمانلیرک  
ترک ایلمش اولدق لری استحکاملرده علی العجله  
بطلر لریه لرینی برر ، برر تأسیس ایتدیلر . وایکی بر  
یوق ، همان کوپری جواریله عربهلرک واهالینک

بولندينى غابهلك اوزرينه پك مؤثر برمرمى ياغموزى  
ياغديرمغه باشلاديلر . عين زمانده روس پياده-  
لرى ده ايشه دها زياده اهميت ويرهك ناچار قالان  
قطعات اسلاميه عسكرينه هجوم ايدوب طوربور -  
لردى .

عثمانلى اردوسنك شو وضعيتى پك يمان بر  
وضعيت ايدى ! بونك اوزرينه قافله لواننده  
بولنان قائم مقاملردن پرتوبك نامنده بريى  
مخيتندهكى بشنچى نظاميه ( ايكنجى اردو ) آلاينى  
درحال ايلرى سوردى . وبو وجه ايله دشمنك  
تعقيب قوللارى ايله بزم رجعت ايدن قوللارمز  
آرسنه كيرهك پلونه اردوسى تامنه صوك بر  
مخاربه ، لكن پك قانلى بز مخاربه ، اجرا ايلدى .  
مشاراليهك بو دليرانه هجومى كرحه افراد وضا-  
بطاندىن بر خيليسنك شهادتتى موجب اولدى ؛  
لكن دشمن ايجونده پك مهلك و آتشفشان بر  
مخاربه يرينه كچدى .  
نه فائدهسى وار ! الكصره بو هجوم حركتى ده



کندیسنگ بش آلتی مثلی فوقنده روس ورومایا  
 قطعات عسکریه سنه طیانه میهرق نتیجه سز قالدی .  
 بوراده مغلوب اولان ترک عسکرلری تکرار  
 استحکاملره کیرمک ایستدیلر . لکن یازیق که ،  
 اونلر استحکاملره کلزدن اول روس عسکرلری  
 آنلری برر ، برر اشغال ایلمش بولنیورلردی .  
 عین زمانده جنرال ( ایسقویانف ) ک فرقه سی ،  
 بولندیغی یوکسک تپهلردن آشاغی اینه رک صیف  
 حرب وقول نظاملرینه عثمانیلر اوزرینه یوروش  
 یانغنه ، رومانیا لیلر ایسه ( پلونه ) قصبه سنه کیرمکه  
 باشلادیلر .

شو ساعته محاربه اویله بر صید و شکاره  
 بکزه یوردی ، که بتون آوجیلر کندی اولرینی  
 دها چابوق اولدیرمک ایچون آنلری بر دوزی یه  
 بلونه ایچرولرینه سوزوب کوتورمکه چالیشیورلردی !  
 روسلر دایما ایلری کیدیورلردی . هر بایردن  
 یوزلرجه طوپ کورمه لری ، هر جهتدن بیکلرجه  
 تفک سسلری ایشیدلمکه اولدیغی بر زمانده

غریبدرکه ، هواده یوزینی ا کشیده رک یواش یواش  
قار اینمکه باشلایوردی .

غوغا هنوز تماش ایدی . سویلایکمز کبی  
انسان هانکی جهته یوز چویره جک اولسه هر  
طرفی آتش ایچنده ، هر طرفی بوغاز بوغازه کلش  
انسانلر ایچنده کوروردی ! صوک مضامده  
سونکیلر ده بیلدیکی قدر دلمش ، قیلچلر کسه بیلدیکی  
قدر کیمش ، قورشوز ورمیلر ایسه ده ویره بیلدیکی  
قدر دهویرمش ایدی !! بودرجه کسکین و آتشی  
بر غوغانک پک اوزون سورمیه جکی طبعید .

پلونه اردوسنک فرقه ولوا قوماندانلری شمدن  
صکره بر هجوم حرکتی دها یاپمه نك آرتق امکانی  
قالمدیغنی هپ بر آغز دن اعتراف ایلدیلر .

عثمان پاشا ، مبارک کوزلر ندن یاشلر دوکه ، دوکه  
اک صکره آتش کسمک ایچون اردوسنه امر  
ویردی ! بر ساعتدن بری عادتا بر آرسلان يتاغنه  
دونمش اولان قولبه سی اوزرینه بیاض بر بایراق  
چکدیردی !! آندن بشقه تسلیم شرائطی طلب

ایتمک ایچون (دوبنیاق) جهتده روس قرارگاهنه  
برقاچ ارکان حرب ضابطیله بر ایکی یاور کوندردی .

لکن عثمان پاشا حضرتلرینک دوشوندیکی بو  
قواعد مدنییه پی قرشوده کی انسانلر عجبنا طانیور -

لرمیدی ؟ بالعکس ، روسلر بوزاده کی میدان محاربه پی

قازاندقلری کی هر درلو آثار مدنیه وانسانیه پی

اونوتدیلر . آنک ایچون عثمان پاشانک مطالبو بی اسعاف

ایتمدرک قیدسز و شرطسز بر تسایمندن بشقه برشی

قبول ایدمیه جکارینی سویلدیلر .

براز وقت صکره اووه ایچنده یغین ، یغین

انسانلر آغزندن حیقمه سرور و مظفریت سسلرینک

یر یوزنده بیوک بر عکس صدا براقه رق یواش یواش

یوکسکلره طوغری حیقمه قده اولدینی ایشیدلدی .

بو یغین یغین انسانلر ، بوشوق و مظفریت سسلری

آردسنده ایمپراطور ایکنجی آلکساندر دوشونه ،

دوشونه وایکی ده بر کوک یوزینه عطف نظر

ایدرك یوریوردی . ایمپراطور حضرتلرینک اوله

یواش یواش یورویشی یورغینلغنه ، ایکی ده بر کوک

یوزینه باقیی ایسه بوکونکی مظفریتدن طولایی  
عرض شکران ایلمکده اولدیغنه نشان ایدی .

برازدها یوریدکدن صکرده مشار الیه برکناره  
اوطوردی . واوصرده اغزندن بلا اختیار شو

سوزلر دوکلدی : « پلونه به کیتمک ایستیورم ؛ او-  
زاده قرداشمی کوره حکم . عین زمانده نیجه آیلردن

بری بزی یولزدن آلیقویان و نیجه قانلرک دوکلسنه  
سبب اولان او قصبه بی ده کورمک ایستیورم . »

عثمانلیر آرتق هیچ آتش ایتمورلردی . لکن  
دشمن قطعاتی بری طرف ، یارم ساعتدن زیاده

بر زماندن بری آتش کسمش ایکن حالا پلونه  
اهالینسیله ، قافله نک بریکمش اولدیغی اک غلبه لک

یره و کوپری اوزرنده کی کچید نقطه لرینه شدتلی  
بر طوپچی آتشی اجرا ایدیوردی . کویا که ، روس

طوپچیلری بش آیدنبری کشدینسه جواب ویرمکدن  
عاجز قالدقلمی عثمانلی اردوسندن یارم ساعت

ایچنده انتقام آلمق ایستیورلردی !

حقوق دول ، بر طرف عسکری آتش کسنجه اوته

جهتك ده آتش كسمسى لازم كله جكتى تحيفدر  
 طولوسى قواعد ايله اعلان ايدوب طوروركن  
 دشمنك بو صرده بوزولمش براردواوزرينه مرعى  
 ياغديرمسنى نصلن تاويل اتملى بيله ميوزر!

پلونه مدافعسى تام (۱۴۵) كون دوام  
 اتمشدى. عثمان پاشا بو زمان ايجنده قزانش  
 اولديغى مظفريات ايله بتون جهاني حيران ايلمش  
 ايكن خروج حركتده مظفريتك روسلر انه  
 كچش اولسنه بعض احوال مجبرد سبب اولمشدى  
 برنجى صرده سوييله بيلورزكه، (۳۰۰) دن  
 متجاوز اولان قفنه عربده لريلا، پلونه مهاجرلرى  
 مصادمه يرينك اوتنه سنه بريننه طاغيله رق هم ايلك  
 هجومده موفقيت قازانان فرقنك حركاتنه ايجه  
 سكته ويردى؛ همده ايكنجى فرقنك وقت وزمانيله  
 ايش باشنه يتشمش اولسته مانع اولدى. قفله نك  
 كوپريدن كچمسى ايجون اولجه تخمين ايدلمديكندن  
 زياده زمان صرف ايدلدى. دشمنك اك مؤثر  
 آتشرى او كنده (۵) كيلو متره لك بر اووه ايجنده

عسكرك برابر طاشیدینی ارزاق و جیبخانه بی ده  
 یورویشك پك چوق آغر لشمسنی موجب اولدی .  
 پلونه اردوسی آنجق بر ( ۴۵ ) بیک کیشی به واره .  
 بیلورکن روس اردوسی بوندن بش كره دها  
 زیاده بر قوتی حائر ایدی . پلونه اردوسنك یلکنز  
 ( ۷۸ ) طوپ واریکن روس اردوسنده بالعکس  
 ( ۵۸ ) ی محاصر دطوپ واری اوزره ( ۵۸۸ ) طوپ  
 وار ایدی .

ایشته ای قارئین کرام ! پلونه اردوسیله روس  
 اردوسی بیننده قوتجه وجود اولان فرق بو درجه  
 عظیم بر فرقدن عبارتدی . او یله ایکن کنیدی لرینه  
 منسوبیتله اقتضار اولنان عساکر شاهانه  
 پلونه کبی سوق الحیشجه بیوک براهیتی اولمیان آپ  
 آچیق بر یرده سونکی لر یله ، قضا طورده لر یله سپر لر  
 قزدیلر ! آتش و سکورن بونجه دشمن هجوم  
 قولارینی بش آی متادیا هزیمتدن هزیمته اوغر اتدیلر !  
 پلونه مدافعه سنه صرف ایدیلان کونلرک هر بریسنی ،  
 او قهرمان ترکار بزم اعلان شان و جلادتیز ایچون

باشلی باشنه برر طاق ظفرله تزیین ایلدیلر ! .  
 رجعت حرکتی کر چکدن تعریف ایلدیلر بر بوز-  
 غیناق ایله اجرا ایلدی . عسکر لر ، کویلیلر ، قادینلر  
 و چوچقلردن ترکیب ایدرک ( وید ) صوی کینارلرینه  
 کوپری جوارینه صیقشمش قالمش اولان بو انسان  
 یعنی اوزرنده روس مرملری هنوز بیوک بیوک  
 یارلر آچوردی . اوتیه طرفده قازاق سواریلری  
 اووه بویجه بردن سرعتلی و درت نعل یورویشه کچرک  
 مغلوبین عسکرلرینی اوزون اوزون مزراقلر ایله  
 تعقیب ایدیورلردی ! سلاحلرینه طیانش ، مایوس  
 لکن قهرمان بر اردو عسکرلری آردسندن جریان  
 ایدن ( وید ) نهری ایسه یواش یواش قیرمزی رنگلی  
 بر صو حالنه کیره رک بشن آتی ساعتدن بری دو کیلان  
 قانلرک درجه سنی کوستریوردی ! اوت خصم  
 اردوسی ، بری طرف چوقدن بری آتش کسمش  
 ایکن حلاقصابلق ایتمکدن بر درلو کندیسنی آله میور-  
 دی . یار دلیلر ایچنده قالمش اولان بیچاره دو قتورلر  
 هانکی مجرومک یاره سنه باقه چقلرینی شاشره شلردی .

آتش کسیدیکی کبی روسلر ورومانیالیلردن  
 هر ایکسی ده بردن ترک نقرلرینک بیونلرینه صاریلور-  
 جهسنه اوزرلرینه آتدیلر . زواللیلرک آغزلرندکی  
 لقمه لری ، جیبلرندکی صوک اتمک قیرینتیلرینی  
 آدیلر . وشو صروده کندیلرینه قرشو طور مق  
 ایستینلری برر، برر اولدردیلر . بو تعرض جانسکا-  
 فاه یالکز نقرلر حقنده یانلمش اولسیدی ؛ ینه نه  
 ایسه . لکن دشمن عسکرلری ، عثمان پاشانک اشیاستی  
 محافظه یه مأمور اولان کوچک ضابطان اوزرینه ده  
 عین وجه ایله هجوم ایتدیلر ؛ عثمان پاشا حضرتلرینک  
 اشیاستی ده عین وجه ایله یغما ایتدیلر !

